

公

羊

義

疏

皇清經解續編卷千二百五十七

南菁書院

公羊義疏六十九

句容陳立卓人著

定二年
盡四年

二年春王正月

夏五月壬辰雉門及兩觀災疏包氏慎言云五月無壬辰四月之二十七日

其言雉門及兩觀災何注據桓宮僖宮災不言及不但問及

者方於下及聞其文問之故先俱張本於上疏及注據桓至言

年書桓宮僖宮災是也○注不但至於上○校勘記云鄂本

闕作問此誤言傳文不但問及者何而連言雉門及兩觀災

問也為下方復問曷為雉門災及兩觀徵也注雉門兩觀皆

天子之制門為主觀為其飾故徵也疏注雉門至徵也○禮

皇清經解續編 公羊義疏六十九

門禮記云魯有庫門家語云衛有庫門皆無云諸侯有皋應
 者則皋應為天子之門明矣此為定說注疏言魯有庫雉他
 國諸侯有皋應者皆非江氏又云明堂位言魯之庫門疑天
 子之皋雉門疑天子之應耳非謂唯魯有庫門雉門而餘諸
 侯不得立也檀弓言庫門者四除魯莊公既葬而經不入庫
 門之外言君復於庫門宰夫命舍故諱新自寢門至於庫門
 軍有憂則素服哭於庫門之外皆通諸侯言之非專為魯記
 也禮器言釋之於庫門內家語謂孔子為衛莊公言之則諸
 侯皆有庫門可知有庫門則亦有雉門矣按諸侯之門或路
 門同爾魯有雉門者正以有兩觀故通典引三禮義宗云雉
 門雉施也其上有觀闕以藏法象魏故以施政教為名周禮
 乃縣治象之法于象魏闕是也他國無兩觀中門未必名雉
 則大門不必如魯有庫門也魯有庫門或因魯有大庭氏之
 庫得名其檀弓所記多是魯諸儒假魯事以明經制不必他
 國皆然家語多王肅私竄不可據焉戴氏震三朝三門考云
 天子之宮有皋門有應門有路門路門一日虎門一日畢門
 不聞天子庫門雉門也諸侯之宮有庫門有雉門有路門不
 聞諸侯皋門應門也皋門天子外門庫門諸侯外門應門天
 子中門雉門諸侯中門異其名殊其制辨等威也天子三朝
 諸侯三朝天子三門諸侯三門其數同君國之事侔體合朝
 與門無虛設也王氏堊鄉黨正義云戴氏謂天子亦三門與
 宋劉氏敞之說同既以為三門則皋門即庫門雉門即應門

亦可通名故郊特牲云獻命庫門之內是指王朝也載氏以爲據魯以合於天子殆非也作雉解路寢明堂咸有庫臺庫庫門臺臺門卽雉門是天子亦得稱庫雉也考工記匠人云廟門容大廟七個關門容小廟參個路門不容乘車之五個應門二徹參個注云大廟牛鼎之局長三尺每局爲一個七個二丈一尺廟中之門曰廟小廟局長三尺每局爲一個六尺路門者大寢之門乘車廣六尺六寸五個三丈三尺言不尺路門者大寢之門乘車廣六尺六寸五個三丈三尺言不容者是兩門乃容之兩門乃容之內八尺三個二丈四尺五寸正門謂之應門謂朝門也二徹之內八尺三個二丈四尺五寸氏循羣經宮室圖說路門爲人君視朝之地宜廣於諸門不應小至一丈六尺五寸視應門三之二也以考工記門堂門室注參之東西當得三十步而兩室與門各居其一則中亦十步也一步六尺五寸則十步爲六丈矣然古尺比今尺爲短如注言一丈六尺五寸得今九尺強則與記文不容之言不合而焦氏所言亦太侈劉氏寶楠論語正義云細釋記文但謂以乘車五個略狹故曰不容車耳乘車五個三丈三尺度以今尺爲二丈強而路門稍狹則爲二丈內外矣記又云王宮門阿之制五雉注阿棟也雉長三丈高一丈度高以高度廣以廣疏謂門之屋兩下爲其脊高五丈不著門丈之制又此皆爲天子言之若諸侯宮廟之門其高廣經無明文然必當殺於天子王氏壘引述氏愛蓮曰據鄭氏說諸侯三門其高與天子同其廣路門丈六尺五寸雉門二丈四尺皋門之廣

與應門同諸侯之庫雉亦與天子同其說合理殆非是也門
爲主觀爲其飾者釋名釋宮室云闕在兩旁中間闕然爲道
也禮記疏引白虎通云闕者所以飾明別尊卑也崔豹古今
注云闕觀也古每門樹兩觀於其前所以標表宮門也其上
可居登之則可遠觀故謂之觀人臣將朝至此則思其所闕
故謂之闕其上皆丹堊其下皆畫雲氣仙雲奇禽怪獸以昭
示四方焉然闕止在雉門旁崔謂每門皆有於禮乖也元和
郡縣志兩觀在縣東南五十步定公二年雉門及兩觀災卽
孔子戮少正卯處是也穀梁桓三年禮逆女諸母兄弟不出
闕門或謂卽此然諸母並不得出路門也恐非指是在傳莊
二十一年鄭伯享王于闕西辟樂備疏引服虔云西辟西偏
也當謂兩觀之內道之西也是有兩觀則東西有兩宮室可
設享而舞樂不止門上作臺也按觀與闕似是一處而二物
詳昭二十五年義疏雉門爲正兩觀在門旁瞻觀之物故以
兩觀爲微然則曷爲不言雉門災及兩觀注據下新作雉門及兩
觀先言作者主災者兩觀也注時災從兩觀起疏注時災從
穀梁傳其不曰雉門災及兩觀何也災自兩觀始也注始災
者兩觀也通義云實兩觀災延及雉門非雉門災延及兩觀
時災者兩觀則曷爲後言之注據欲使言兩觀災及雉門若

言宋督弑其君與夷及其大夫孔父疏校勘記云唐石經作

誤作時孫志祖云左傳疏引作主按紹熙本作主不誤○注

據欲至孔父○見桓二年正以兩觀先災宜書兩觀災及雉

門不以微及大也疏穀梁傳先言雉門尊也注欲言兩觀

也門起故不得言雉門災及兩觀兩觀始災故災在兩觀下也

鄭嗣曰欲以兩觀親災則經宜言兩觀災及雉門雉門尊兩

觀卑卑不可以及尊故不得先言雉門而後言兩觀欲令

兩觀始災故災在兩觀下矣通義云兩觀先災而後言之稱

言有序猶孔父先死而曰弑其君與夷及其大夫孔父也若

然仲子以微不言及兩觀又以微言及者言及而後其微見

者加及以絕之也不待言及而何以書注不復言雉門及兩

其微見者不加及以絕之也

觀災何以書者上已問雉門及兩觀災故但言何以書疏注

復至以書○舊疏云隱三年秋武氏子來求贖傳云武氏子

來求贖何以書注云不但言何以書者嫌以主覆問上所說

二事不問求贖又七年城中丘傳云中丘者何內之邑也城

中丘何以書注云上言中丘者何指問邑也欲因其何以書

嫌但問書中丘故復言城中丘何以書也僖二十年傳云西

宮災何以書然則彼三傳文皆舉句而問之今此不嫌不以

徵及大何以書而不舉句問之者正以上傳已云其言雉門及兩觀災何不能復重言之故省文也記災也注

此本子家駒諫昭公所當先去以自正者昭公不從其言卒

為季氏所逐定公繼其後宜去其所以失之者故災亦云爾

立雉門兩觀不書者僭天子不可言雖在春秋中猶不書疏

注此本至云爾○見昭二十五年穀梁疏引劉向云雉門天

子之門而今魯過制故致天災也五行志上定公二年五月

雉門及兩觀災董仲舒劉向以為此皆奢僭過度者也先是

季氏逐昭公昭公死于外定公即位既不能誅季氏又用其

邪說淫於女樂而退孔子天戒若曰去高顯而奢僭者一日

門闕號令所由出也今舍大聖而縱有臯亡以出號令矣京

房易傳曰君不思想厥妖火燒宮何氏劉氏皆以魯雉門為

僭天子皆與漢志所載董劉說台是公穀義同惟此傳云記

災不云記異董劉說及受女樂事在後與傳例不合○注立

雉至不書○隱五年初獻六羽傳云何以書譏何譏爾譏始

僭諸公也始僭諸公昉於此乎前此矣前此則曷為始乎此

僭諸公僭諸公猶可言也僭天子不可言也此義與彼同解

詰箋云傳例春秋見者不復見也

此因災見且以張王文猶郊禘也

秋楚人伐吳

冬十月新作雉門及兩觀

其言新作之何注据俱一門兩觀如故常疏通義云据新延

据俱至故常○莊二十九年傳云有所增益注天災

日作此仍故常無所增益而言作故据以難注脩大也注天災

之當減省如諸侯制而復脩大僭天子之禮故言新作以見

脩大也疏毛本脩作修○注天災至大也○繁露王道云作

梁傳言新有舊也作爲也有加其度也俱與何氏有所增益

日作義合彼注又云籍故曰新此言新作蓋有舊而又增大

之也僖二十年新作南門傳何以書譏何譏爾注脩舊不書此

門有古常也亦以其奢泰不奉古制惡之也疏十年西宮災復脩以理度

何以書注据西宮災復脩不書疏十年西宮災復脩以理度

也知譏何譏爾不務乎公室也注務勉也不務公室亦可施于

久不脩亦可施于不務如公室之禮微辭也月者久也當即

脩之如諸侯禮疏注務勉也○呂覽士節云不可不務求此

勉也荀子富國云情然要時務民注務勉強也○注不務至

辭也○舊疏云即文十三年傳世室屋壞何以書譏何譏爾

久不脩也何氏云簡忽久不以時脩治至合壞敗故譏之然

則此文不務公室者亦可見魯人簡忽五月有災十月乃作

之義故云亦可施於久不脩也校助記出亦可施于久不脩

云蜀大字本閱監毛本同鄂本于作於下同作於是按主人

習其辭而聞其傳則但責其久不脩其實則責其僭天子不

務如公室也故為微辭也通義云譏季氏當國不勉務公室

之事朝闕重地被災瀾五月然後脩之魯雉門如天子應門

而兩觀尤非諸侯之法春秋雖若以譏久不脩書其僭已據

事直見矣所謂微辭也○注月者至侯禮○舊疏云正以莊

二十九年春新延廢倍二十年春新作南門皆書時此特月

者譏其久不脩也舊云如天子之門大不可即成故月以久

之按舊說是也時魯宜因陋就簡及時脩治今乃務為馳溢

工作繁多曠日持久故書乃以起之也

三年春王正月公如晉至河乃復注月者內有彊臣之讎外不

見荅於晉故危之疏注月者至危之○正以凡朝例時此月

故解之書月為危者襄二十八年十一月

皇清經解續編 公羊義疏六十九 五

月公如楚注如楚書月者危公朝夷狄之屬是也而僖十年
注云故如京師則月榮之如齊晉則月安之者美惡不嫌同
辭故也知不見於晉者昭二年冬公如晉至河乃復傳其
言至河乃復何不敢進也注時聞晉欲執之不敢往君子榮
見與恥見距故諱使若至河河水有難而反又十二年十三
年二十一年皆書公如晉至河乃復之屬皆不見於晉之辭此
與彼文同故也內有季氏彊
臣外不見於盟主故為危

三月辛卯邾婁子穿卒

疏校勘記云唐石經原刻三月磨改作

作二月未知孰正按此則當從唐石經原刻包氏慎言云三
月有辛卯月之朔日春秋杜氏釋例長歷定公三年甲午二

月癸亥朔辛
卯二十九日

夏四月

秋葬邾婁莊公

冬仲孫何忌及邾婁子盟于枝注後相犯時者諱公使大夫盟

又未踰年君薄父子之恩故為易辭使若義結善事疏釋文
枝二

傳作拔校勘記云枝唐石經諸本同按枝當爲拔字之誤也
如公孫拔之誤爲公孫枝按枝與拔字形相近易混漢書地
理志北海郡下樂都云侯國莽曰拔壘一作杖一作枝又荀
子疆國云拔鞍加乎首注拔或作枝是也左傳校勘記顧炎
武云石經拔誤枝按石經此處殘缺炎武所據乃補刻本杜
云拔地闕左傳作郊杜云郊卽拔也大事表云當在今兗州
府臨陽縣境○注後相至善事○會盟之例大信時小信月
不信日此後相犯不信明卽哀元年仲孫何忌帥師伐邾
之鬻是也今而書時爲大信辭故解之閔二年注君臣無相
適之道故大夫不敵君莊九年注鄰國之臣猶吾臣也此公
使大夫盟諸侯非禮又邾婁子穿卒於三月冬會其孤又失
禮故皆爲諱作易辭也易者莊十三年冬公會齊侯盟于柯
傳何以不日易也注易猶校易也相親信無後患之辭是也
通義云不月者入春秋來邾婁數伐我邊鄙內亦亟取其邑
唯終定公之世二國修禮未嘗相犯故特大信辭也義
亦通又云未踰年稱爵者與其所可與譏其所可譏
四年春王二月癸巳陳侯吳卒疏包氏慎言云二月無癸巳據
麻三月之九日正月之八日
也

三月公會劉子晉侯宋公蔡侯衛侯陳子鄭伯許男曹伯莒子

邾婁子頓子胡子滕子薛伯杞伯小邾婁子齊國夏于召陵

侵楚注月而不舉重者楚以一裘之故拘蔡昭公數年然後

歸之諸侯雜然侵之會同最盛故善錄其行義兵也拘不書

者惡蔡侯吝一裘而見拘執故匹夫之執歸不書者從執例

疏左傳疏引土地名云召陵楚地舊疏云上文二月陳侯吳

卒下之六月葬陳惠公然則其父未葬宜稱子某而言陳

子信九年宋子之下注云宋未葬不稱子某者出會諸侯非

尸柩之前故不名然則今此陳子亦然但從宋子首文故不

復注之注月而至兵也正以侵伐例時此月若其舉重

宜云公會劉子晉侯以下侵楚不言于召陵也而今會侵並

舉是書月又不舉重故解之善錄其行義兵者僖十五年秋

七月齊師曹師伐厲注月者善錄義兵僖十八年春王正月

宋公會曹伯以下伐齊注月者與襄公之征齊善錄義兵此

與同也舊疏云僖四年春王正月公會齊侯以下侵蔡何氏

云月者善義兵也然則彼亦是義兵而舉重者正以彼下經

云楚屈完來盟于師盟于召陵傳云其言盟于師盟于召陵

何師在召陵也師在召陵則曷為再言盟喜服楚也則以下

有喜服楚之文為義兵可知是以不勞具錄也桓十五年冬

十有一月公會齊侯宋公以下于侈伐鄭彼注云月者善諸侯征突善錄義兵也不舉伐為重者用兵重於會嫌月為桓代有危舉不為義兵錄故復錄會也按詳錄多為善辭所謂書之重辭之視其中必有美者焉是也此書月已為義兵錄復以蔡昭見執諸侯雜然侵之會同最盛故又詳錄所會地著其善也蓋侵伐書月不必皆錄義兵如莊十年二月公侵宋書月為刺下六年二月公侵鄭八年春王正月二月比侵齊為危莊三年正月溺會齊師伐衛書月為惡齊魯是不皆為義兵錄故此復不舉重以起之也拘蔡昭公者即下傳云蔡昭公朝乎楚有美裘焉囊瓦求之昭公不與為是拘昭公於南郢數年然後歸之是其事也○注拘不至夫之○倍二十一年執宋公以代宋二十八年晉侯執曹伯之屬皆書執此不書故解之匹夫之者舊疏云所以不直言賤之而言匹夫之者以楚人執良霄之屬大夫猶書今友不書賤於大夫故言匹夫之○注執歸至執例○舊疏云即僖二十一年注云凡出奔歸書執獲歸不書者出奔已失國故錄還應盜國與執獲者異臣下向隨君事之未失國不應盜國無為錄也是其被執而歸不書之義今此蔡侯之執經雖不書其實見執故得從其例矣

夏四月庚辰蔡公孫歸姓帥師滅沈以沈子嘉歸殺之注為不

會召陵故也不舉滅為重書以歸殺之者責不死位也日者

定哀滅例日定公承黜君之後有彊臣之讎故有滅則危懼

之為定公戒也疏包氏慎言云四月書庚辰月之二十六日

文公孫歸姓二傳無歸字姓音生按昭二十三年注作歸生

疏引此經同左氏釋文作公孫歸生云本又作姓按姓生通昭

元年會于號三傳皆作公孫歸生左穀此經蓋脫也○注為

不至故也○舊疏云召陵之會蔡為謀首召陵之經不見沈

子而今滅之故知義然也○注不舉至位也○襄六年齊人

滅萊傳曷為不言萊君出奔國滅君死之正也注明國當存

不書殺萊君者舉滅國為重彼萊君死位故但舉滅國為重

今欲責沈子不死位故并書以歸殺之也○注日者至戒也

○正以滅例月此日故解之定哀滅例日者舊疏云定哀之

時文致大平若有相滅為罪已重故皆書日以詳其惡即此

日此不日者諱使若不滅故不日故舊疏謂欲見他義者容
不書之是也舊疏又云哀公之篇更無書滅之經而知例口
首正以文承定公之下定公猶日則哀公明矣定公承黜君
之後偏有危懼是以有滅則書日哀公無此義故諱其滅以
沒不救同姓之罪但知例合書其日故何氏云焉
按定哀滅例日何氏此語必有所受故据以為例

五月公及諸侯盟于涪油注再言公者昭公數如晉不見荅卒

為季氏所逐定公初即位得與諸侯盟故喜錄之後楚復圍

蔡不救不日者善諸侯能翕然俱有疾楚之心會同最盛故

襄與信辭疏釋文涪油二傳作皋鮑校勘記云唐石經諸本

或亦公羊異本也惠氏棟云古讀皋為涪鮑為由皋涪同部

昌縣東北有皋亭今在許州府臨潁縣界按在臨潁者近

是水經注潁水篇潁水又東南逕皋城北即古皋城亭矣春

秋書公及諸侯盟于皋鮑者也皋澤字相似名與字乖耳一

皇清經解續編 公羊義疏六十九 八

以下會王世子于首戴秋八月諸侯盟于首戴九年夏公會
宰周公以下于葵丘九月戊辰諸侯盟于葵丘之屬皆不再
言公今此再言公故於此解之昭公數如晉不見荅者即昭
十二年夏公如晉至河乃復十三年公如晉至河乃復二十
三年公如晉至河公有疾乃復是數如晉之文也不見晉人
來聘之經故云不見荅也卒為季氏所逐者即二十五年公
孫于齊是也而再言公故知其喜似若僖四年楚屈完來盟
于師盟于召陵傳曰曷為再言盟喜服楚也之類注云孔子
曰書之重辭之復鳴乎不可不察其中必有美者焉義亦通
於此按上年公如晉亦至河乃復此得與諸侯盟故尤喜錄
之鹽鐵論和親云春秋存君在楚詰馳之會書公殆夷狄也
三傳皆無此義蓋嚴氏春秋說通義云彼意似以楚強無信
侵之有危為公危錄此盟蓋會盟異地間有他事又劉子不
與盟備此三者合書諸侯例也但葵丘重丘之等不書公及
今再言公即與會于宋再言豹同意故知是殆之也按春秋
於中國勝楚事俱有善辭故下經伯莒之戰吳進稱于此突
為殆諸侯與全經例乖○注後楚至信辭○鄂本襲作襲即
下經楚人圍蔡是也下傳云夷狄也而憂中國又曰蔡請救
于吳明在會諸侯無救之者故無救文也宜書日而書
月為小信辭者正以諸侯能翕然疾楚故猶與之也

杞伯戊卒于會注不日與盟同日

疏

釋文戊音茂又音恤二傳
作成按戊戌成三字混未

知孰是史記杞世家平公十八年卒子悼公成立與二傳同
按勘記云戊唐石經諸本同○注不日與盟同日○舊疏云
考諸古本日本亦有作月者若作日字宜云所見之世小國之
卒例合書日即上言三月辛卯邾婁子穿卒之文是也今不
日者正以與盟同日文不可施故也何者若言五月甲子公
及諸侯盟于泔油甲子杞伯戊卒于會則嫌上會非信辭若
言五月公及諸侯盟于泔油甲子杞伯戊卒于會則嫌與盟
別日是以進退不得日也若作月字宜云所見之世雖例書
日若有內行失亦但月之即昭六年春王正月杞伯益姑卒
何氏云不日者行微弱故略之入所見之世責小國詳始錄
內行也諸侯內行小失不可勝書故於終略責之見其義是
也今杞伯亦有內小失宜合書月而不書月正以與盟同月
故也通義云不日者與益
姑同義蓋用古本為說

六月葬陳惠公

許遷于容城疏

大事表云在今南陽府葉縣西應劭以漢華容

鄭即滅許傳云因楚敗也漢華容為今荊州府監利縣在郢
都之側鄭豈能至此又哀元年許復從楚圍蔡似未嘗滅或
云楚復封之則不可考其何地矣方輿紀要云容城在荊州
監利縣東五里應劭以為楚遷許之容城沈氏欽韓云其地

當在南陽府或曰葉縣西蓋本顧氏棟高說水經注夏水篇
 又東過華容縣南縣故容城矣春秋許遷于容城是也北臨
 中夏水自縣東北逕成都郡故城南按昭十八年許遷于白
 羽即析也在今南陽府之內鄭鄭許世仇許避鄭患豈有復
 遷葉縣之理葉去鄭近於白羽也則應劭謂在華容者近是
 楚新復國鄭承其敝滅許鄭去之後許仍復封故哀元年得
 見于經故水經注同應說也

秋七月公至自會注月者為下劉卷卒月者重錄恩疏注月者

○舊疏云春秋之義致公例時桓二年冬公至自唐之屬是
 也若其有危乃合書月即下八年三月公至自侵齊之屬是
 也今此上會有義兵之錄上盟有信辭之美又再言公為喜
 文則知公於時無危事而有七月故知月為下事爾若然桓
 十六年秋七月公至自伐鄭何氏云致者善桓公能疾惡同
 類比與諸侯行義兵伐鄭致例時此月者善其比與善行義
 故以致復加月也似月為善者正以桓是篡賊動作有危而
 能疾篡脫危而至故致之何氏彼注必言此者欲對桓元年
 垂會之注云不致之者為下去王適足以起無王未足以見
 無王罪之深淺故復奪臣子辭成誅文也以此言之則桓十
 六年注云以致復加月仍是危文但善其比行義故能脫危
 而至與此仍不妨矣○注月者重錄恩○此解劉卷卒書月

義也舊疏云大夫之卒宜又降于微國之君但合書時而已而書月者正以新奉王命主會于召陵於魯有恩故重而錄之故云月者重錄恩也

劉卷卒

劉卷者何天子之大夫也外大夫不卒此何以卒我主之也

注劉卷即上會劉子我主之者因上王魯文王之張義也卒

者明主會者當有恩禮也言劉卷者並起以大夫卒之屈於

天子也不日者此尹氏以天子喪為主重也此卷主會輕故

不日疏

通義云我主之者蓋劉子反自召陵邁疾道卒魯人不入魯竟魯無為辯護其喪事與按劉子會召陵伐楚由楚返周

實內諸侯也非列土諸侯此何以卒也天王崩為諸侯主也

則公羊義亦當然○注劉卷至義也○校勘記出因上王魯

文上屬與疏合主之作王之同誤舊疏云正以召陵之經劉子為首今而書卒故知一人也然大夫之卒例則不書劉

卷何事獨錄見也今而書見明有恩於魯傳曰我主之亦其一隅矣又云劉子天子之大夫奉天子之命致諸侯於召陵主會明矣此傳宜云外大夫不卒此何以卒主我也而云我主之者正以春秋王魯因魯之文故言我主之不言主我也言張義者欲張魯君為王之義○注卒者至禮也○舊疏云若主會有恩禮即違例書卒也僖九年公會宰周公成十六年十七年之時數有公會尹子單子之文而皆不卒言卒等有恩當論遠近蓋在主會之年卒者恩而錄之若期外者當從恩殺略之是以尹子單子之徒不見卒文若奔喪主我使來會葬之屬其恩差重三年之外方始略之即隱三年夏四月辛卯尹氏卒傳外大夫不卒此何以卒天王崩諸侯之主也彼注云時天王崩魯隱往奔喪尹氏主饋贊諸侯與隱交接而卒恩隆於王者則加禮錄之明當有恩禮又文三年王子虎卒傳外大夫不卒此何以卒新使乎我也彼注云王子虎即叔服也新為王者使來會葬在葬後三年中卒君子恩隆於親親則加報之故卒明當有恩禮也按尹氏卒在期內舊疏述之者為亦當在加隆之例其卒若在期外亦宜恩錄也○注言劉至天子○舊疏云襄十五年劉夏之下傳云劉夏者何天子之大夫也劉者何邑也其稱劉何以邑氏也注諸侯入為天子大夫不得氏國稱本爵故以所受采邑氏稱子今此劉卷乃是圻外諸侯入為天子大夫所以不言劉子卷卒從諸侯之例而言劉卷其但字者正欲起大夫卒之屈

於天子故也通義云劉故曰何以不言爵圻內之君也不世爵故不與爵稱也王者之制內諸侯祿外諸侯嗣此三代之禮最所重者也於經未有以言之觀乎劉卷卒則可信矣故生稱爵其祿也卒稱名從正也解詁箋云著劉者明天子大夫得世祿去子者明爵不得世也按劉卷之本國與爵不可考其是否劉夏之後亦不可定要皆外諸侯而食采於劉者也左氏家以為夏後者公羊所不取○注不日至不日○正以尹氏卒書辛卯故解之舊疏云文三年夏五月王子虎卒注云尹氏卒日此不日者在期外也然則尹氏之主諸侯由其期內故日之今此劉卷之主諸侯亦在期內而不日者正以尹氏之主諸侯乃是天王崩僮贊隱公其恩重劉卷之主諸侯乃在召陵之會故不書日見其輕矣

葬杞悼公

楚人圍蔡注囊瓦稱人者楚為無道拘蔡昭公數年而復怒蔡

歸有言伐之故貶明罪重於圍疏注囊瓦至伐之○哀元年

稱爵此稱人故解之知人為囊瓦者以下傳云使囊瓦將而

伐蔡也下傳云蔡昭公朝乎楚有美裘焉囊瓦求之昭公不

與為是拘昭公于南郢數年然後歸之於其歸焉用事乎河

曰天下諸侯苟有能伐楚者寡人請為之前列楚人聞之怒

為是興師是其事也。○注故貶至於圍。○隱二年注凡書兵者正不得也。故圍亦有罪但不為其惡此襄瓦貶稱人故罪重於圍也。繁露王道云觀乎楚昭王之代蔡知無義之反。

晉士鞅衛孔圉帥師伐鮮虞疏

釋文圍左氏作圍虞本或作吳校勘記云諸本同唐石經作孔

圍虞字缺穀梁同左氏說文口部圍守之也牽部圍圍圍所
以拘罪人圍圍聲義皆同也漢書地理志天水郡冀禹貢朱
圍山在縣南師古曰圍讀與圍同隸釋堯廟碑詔
啓祝圍大饗碑下及陪臺隸圍皆段圍為圍也

葬劉文公

外大夫不書葬此何以書錄我主也注其實以主我恩錄之

故云爾舉采者禮諸侯人為天子大夫更受采地於京師天子使大夫為治其國有功而卒者當益封其子時劉卷以功

益封故不以故國而以采地書葬起其事因恩以廣義也稱公者明本諸侯也疏注其實至云爾○正以傳云我主實劉卷主會為主我也通義云明內有恩禮

當錄之。○注舉采至其子。○白虎通京師云諸侯人爲公卿大夫得食兩家采否曰有能然後居其位德加於人然後食其祿所以尊賢重有德也。今以盛德人輔佐得兩食之故王制曰天子之縣內諸侯祿也。外諸侯嗣也。兩家采則謂更受采地於京師也。公羊禮說云采有二始封之時則有采地入爲天子大夫更受采地百里諸侯以三十里七十里諸侯以二十里五十里諸侯以十五里其後子孫雖有罪黜其采地不黜使其子弟賢者守之世世以嗣其始受封之人紀季以鄆入于齊鄆卽紀之采也。此國滅而采不滅之證其入爲天子大夫更受采者詩所謂還子授子之采兮傳諸侯入爲天子卿士受采祿是也。按諸侯受采京師之制亦有二有受而傳之子孫者此注所云有功而卒者當益封其子是也。召公封燕仍爲大保周公封魯別子仍爲周大夫其圻內采地子係世守故春秋周有召伯周公也。一則入爲大夫時有采地沒後仍歸采地于王朝其子襲本爵如故王制所云內諸侯祿也。注選賢置之於位其國之祿如諸侯不得世又云大夫不世爵注謂圻內及列國諸侯入爲天子大夫者但守其祿位而已不得據有其地故衛武公齊丁公並入爲卿士不聞有子孫世守采地于京師也。卽鄭武公莊公爲平王卿士當亦有采地故鄭風緇衣有授子之采語其子孫亦不聞世有采地于周也。明卿士於王室有館舍於圻內有采祿矣。又諸侯入

為天子大夫其命數仍如其本國故詩王風犬車云鬻衣如
葵箋古者天子大夫服毳冕以巡行邦國而決男女之訟則
是子男入為大夫者蓋天子大夫四命出封始加一等不得
服毳冕諸侯入為大夫者本爵故尊直以入仕為榮不得加
其命數故詩疏引鄭志答趙商云諸侯入為卿大夫與在朝
仕者異各依本國如其命數是由尊諸侯使之以其命也其
采地所在則周禮載師云以小都之田任縣地以大都之田
任采地鄭以鄭之采地在小都去王城四百里公之采地在
大都去王城五百里也陳氏與毛詩傳疏以尚書大傳所記
采地為湯沐邑非大傳明云子孫維有辜黜其采地不黜子
孫世守之不得遠至京師也韓詩外傳亦有是語○注時劉
至義也○漢書毋將陸傳陸奏封事言古者選諸侯人為公
卿以褒有德是則諸侯入仕為褒故錄劉卷不以故國為善
辭又書葬以起褒以功益封也○注稱公至侯也○正以春
秋五等之爵葬皆稱公故劉卷稱公明本諸侯也蔡邕議按
古之以子配者魯之季文子孟懿子孟孫文子公叔文子
皆諸侯之臣也至於王室之卿大夫其尊與諸侯並故以公
配春秋曰劉卷卒葬劉文公公羊曰劉卷者何天子之大夫
也按何以本諸侯故稱公蔡
以其尊同故稱公二義並通

冬十有一月庚午蔡侯以吳子及楚人戰于伯莒楚師敗績疏

包氏慎言云十一月書庚午月之二十日伯莒左氏作柏舉
穀梁作伯舉伯柏莒舉音義通杜云柏舉楚地水經注江水
篇江水又東逕上磧北山名也杜云柏舉楚地水經注江水
大洲即舉洲也北對舉口仲雍作莒字得其音而忘其字非
也又云舉水南流注于江謂之舉口南對舉洲左傳定公四
年吳楚戰于柏舉京相璠曰漢東地矣江夏有沮水或作舉
疑即此也於漢為邾屬江夏郡元和郡縣志龜頭山在黃州
麻城縣東南入十里舉水之所出春秋吳楚戰于柏舉即此
方輿紀要黃州府麻城縣東北三十里有柏子山吳楚陳于
柏莒蓋合柏山舉水而名一統志舉水源自麻城縣東北黃
蘄山西南流入黃岡縣西三十里入江在麻城名岐亭河入
黃岡縣界謂之舊州河其入江處謂之三江口大事表云名
勝志云湖廣黃州府麻城縣東北三十里有柏子山縣東南
有舉水柏舉之名蓋因柏山舉水而得今案傳文子常濟漢
自小別至于大別又三戰而陳于柏舉
是在漢之東北其地應在麻城縣境也

吳何以稱子注据滅徐稱國疏注据滅徐稱國○即昭三十
年冬十二月吳滅徐徐子章

禹奔楚 夷狄也而憂中國注言子起憂中國言以明為蔡故
是也

也與桓十四年同疏注言子起憂中國○穀梁傳吳其稱子
何也以蔡侯之以之舉其貴者也蔡侯

之以之則其舉貴者何也吳信中國而攘夷狄吳進矣繁露
 觀德云難父之戰吳不得與中國為禮至於伯莒黃池之行
 變而反道乃爵而不殊白虎通號篇云蔡侯無罪而拘于楚
 吳有憂中國心與師伐楚諸侯莫敢不至知吳之霸也○注
 言以至年同○桓十四年冬宋人以齊人以下伐鄭傳以者
 何行其意也注以己從人曰行言四國行宋意也是也惠氏
 士奇春秋說云借人之力以救己之亡既不能左右之又
 能行其意如楚人圍蔡蔡方望救于吳焉敢以吳而柏舉之
 戰春秋亦書以者蓋憫蔡之危善吳之救吳之謀楚也數十
 年矣伍員謀于前宰嚭謀于後然則柏舉之戰吳之志也名
 為救蔡吳實主兵而春秋特書蔡侯以吳子者蔡無異而楚
 國之吳能救之蓋惡楚而進吳也按春秋進吳閔中國也楚
 自熊通僭號凌轢諸夏二百餘年桓文亦特小挫其鋒吳能
 假救蔡入其都滅其國實足以張王法雖其志不必尊王春
 秋即攘夷大之亦重其憂中國奈何伍子胥父誅乎楚疏序新
 義不重事之意也
 九云楚平王殺伍子胥之父史記楚世家無忌諱太子建於
 王平王囚其傳伍奢而召其二子而告以免父死伍尚謂伍
 胥曰聞父免而莫奔不孝也父戮莫報無謀也度能任事智
 也子其行矣我其歸死伍尚遂歸伍胥縶弓屬矢奔吳伍奢
 聞之曰胥亡楚國危哉楚人遂殺
 伍奢及子尚左傳亦具有其事 挾弓而去楚注挾弓者懷

格意也禮天子雕弓諸侯彤弓大夫嬰弓士盧弓疏注挾弓

○穀梁傳子胥父誅于楚也挾弓持矢而下闔廬新序云子

胥山亡挾弓而下闔廬釋名釋姿容云挾夾也在旁也越絕

書吳內傳云吳憂中邦奈何乎伍子胥父誅於楚子胥挾弓

身千闔廬吳越春秋王僚使公子光傳云楚遣使追捕子胥

胥乃貫弓執矢去楚楚使者追及無人之野胥乃張弓布矢

欲害使者使者俯伏而走是即懷格意也舊疏云格猶拒也

謂若君使追之時已即懷拒之意故曰挾弓者懷格意也若

似今人謂不順之處為格化之類也或云格來也言所以挾

弓者懷欲到來復仇之意按來意不明訓拒是也○注禮天

至盧弓○蓋逸禮文也舊疏云古禮無文則禮緯亦無是語

詩大雅行葦敦弓既堅傳敦弓畫弓也天子敦弓釋文云敦

音彤正義敦與彤古今之異彤是畫飾之義故曰敦弓畫弓

也冬官弓人為弓唯言用漆不言畫則漆上又畫之彼不言

畫文不具耳此述天子擇士宜是天子之弓故云天子敦弓

其諸侯公卿與射者自當各有其弓不必畫矣孟子萬章篇

張朕趙注張彤弓也天子曰彤弓堯禪舜舜天下故賜之彤弓

也音義云張都禮切丁音彤云義與弨同焦氏循孟子正義

云氏周皆訓至說文車部鞞抵也鄭氏士喪禮注鞞鞞也鞞

鞞字同鞞之為抵猶彤之為抵矣說文鞞畫弓也即詩之敦

刻鏤者如玉謂之彫金謂之鏤禮記玉豆彫箒論語朽木不可彫是也有謂繪畫者即此雕弓是也多部曰彫琢文也古繪畫與刻畫無二字諸侯形弓則天子當五采石鼓詩有秀弓秀即繡五采備謂之繡或曰天子之弓但刻畫為文也東京賦彫弓斯毅薛注彫弓謂有刻畫也弣與雕語之轉敦弓者彈之段借字詩禮又段敦為之敦弣可讀如自不得竟讀彫也孟子作張亦雙聲又子虛賦左烏號之雕弓注張揖曰黃帝乘龍上天小臣不得上挽持龍鬚髮拔墮黃帝弓臣下抱弓而號名烏號也郭璞曰雕畫也然則天子畫弓其來尚矣諸侯形弓者詩小雅彤弓彤弓弣兮毛傳朱弓也以講德習射書文侯之命云彤弓一彤矢百是也嬰弓者釋文云見司馬法段云嬰即江賦之襍字蓋朱黑相間而嬰繞也盧弓即旅弓黑弓也文侯之命云旅弓一旅矢百是也荀子大略云天子雕弓諸侯彤弓大夫黑弓禮也黑弓即此之盧弓也以干闥廬注不待禮見曰干欲因闥廬以復讎闥廬曰士之甚

注言其以賢士之甚疏穀梁傳闥廬曰大之甚注子胥匹夫

公羊平議云士當作大穀梁傳可據以訂正大字隸書每變作士字如赤壺壹等字其上皆從大而今皆作士是其證也大之甚譌作士之甚何氏因曲為之說於義終不安也按越絕書吳內傳亦云闥廬曰士之甚與公羊同蓋士之者猶

言人之也言其誠足為士也武叔曰是謂我不勇之甚疏梁
成丈夫也亦此義故何云言其以賢士之甚也
德越絕將為之興師而復讎于楚伍子胥復曰諸侯不為匹
書同

夫興師注必須因事者其義可得因公託私而以匹夫興師

討諸侯則不免為亂疏繁露王道云諸侯不得為匹夫興師

年大得吳庶闔廬將為之報仇子胥曰不可臣聞諸侯不為

匹夫興師又吳內傳云將為之報仇子胥曰不可諸侯不為

匹夫報仇說苑至公篇吳王闔廬為伍子胥興師復仇于楚

子胥諫曰諸侯不為匹夫興師注則不免為亂鄂本為

作於紹熙且臣聞之事君猶事父也虧君之義復父之讎臣

本亦作於

不為也於是止疏說苑至公篇亦載子胥曰且事君猶事父

其後因事而後復其父仇也如子胥可謂不以公事趨私矣
此與何氏上注其義可得因公託私義相足越絕書吳內傳
亦云虧君之行報父之仇不可於是止穀梁傳為是欲興師
而伐楚子胥諫曰臣聞之君不為匹夫興師且事君猶事父
也虧君之義復父之仇臣弗為也意謂若為匹夫興師不免
於亂是為陷君於不義也通義云言若使君為匹夫興師則

是虧君之義是也 蔡昭公朝乎楚有美裘焉囊瓦求之昭公不與為

是拘昭公於南郢數年然後歸之疏 穀梁傳蔡昭公朝於楚

昭公朝于楚有美裘楚令尹囊瓦求之昭公不與於是拘昭

公於郢數年而後歸之史記蔡世家昭侯十年朝楚昭王持

美裘二獻其一於昭王而白衣其一楚相子常欲之不與子

常譏蔡侯留之楚三年蔡侯知之乃獻其裘於子常子常受

之乃言歸蔡侯越絕書吳內傳云蔡昭公南朝楚被羔裘囊

瓦求之昭公不與即拘昭公南郢三年然後歸之上三年左

傳云蔡昭侯為兩佩與兩裘以如楚獻一佩一裘於昭王昭

王服之以享蔡侯蔡侯亦服其一子常欲之弗與三年止之

三傳所記大同易林泰之恆云蔡侯適楚留連江濱踰日慙

月思其后君是也宣十二年傳南於是歸焉用事乎河注時

鄧之與鄭注云南郢楚都范注同於是歸焉用事乎河注時

北如晉請伐楚因濟河疏 毛本誤是經傳釋詞云焉猶也

上帝之事也 注時北至濟河 正以蔡侯由楚返蔡不渡

河也管蔡世家蔡侯歸而之晉 兩與晉伐楚何氏所本穀梁

傳歸乃用事乎漢左傳云蔡侯歸及漢執玉而沈曰余所有

濟漢而南者有若大川蔡 魯以其子元與其大夫之子

為質焉而請伐楚新序云昭公濟漢水沈璧曰曰天下諸侯云云皆作漢蓋皆可通傳右不一紀載或然也

苟有能伐楚者寡人請為之前列楚人聞之怒注見侵後閩

蔡有此言而怒疏新序亦云諸侯有伐楚者寡人請為前列

河川事曰天下誰能伐楚乎寡人願為前列穀梁傳苟諸侯

有欲伐楚者寡人請為前列馬楚人聞之而怒前列猶前驅

也左傳昭二十九年以禮師氏云朝在野外則守內列注內

列藩營之在內者也是也注見侵至而為是興師使囊瓦

怒以上經楚人圍蔡在侵楚後故也

將而伐蔡疏即上經楚人圍蔡是也舊疏云圍而言伐舉總

攻蔡越絕書楚聞之使囊瓦興師蔡請救于吳伍子胥復曰

伐蔡穀梁傳為是興師而伐蔡

蔡非有罪也楚人為無道君如有憂中國之心則若時可矣

注猶日若是時可興師矣激發初欲興師意疏左傳楚自昭

不有吳師蔡侯因之以其子乾與其大夫之子為質於吳穀

梁傳蔡請救于吳子胥曰蔡非有罪楚為無道君若有憂中

國之心則若此時可矣越絕書昭公問子胥在吳請救蔡子胥於是報闔廬曰蔡非有罪楚為無道君若有憂中國之心意者時可矣新序云蔡請救于吳子胥諫曰蔡非有罪也楚人無道也君若有憂中國之心則若此時可矣○注猶曰至師意○詩秦風鸛鳴鐵奉時辰牡傳時是也大雅生民時維姜嫄箋時是也爾雅釋詁時是也按若猶此也單言之則曰若連言之則曰若此通義云若時言如此時也荀子儒效云行一不義殺一不辜而得天下不為也此若義信乎人矣彼此若即此若時也初欲興師意即上傳於是興師而救蔡注不闔廬將為之興師而復讎于楚也

書與子胥俱者舉君為重子胥不見於經得為善者以吳義

文得成之也雖不舉子胥為非懷惡而討不義君子不得不

與也疏穀梁傳為是興師而伐楚越絕書闔廬於是使子胥

子胥言之闔廬即使子胥救蔡而伐荆新序云於是興師伐

楚遂敗楚人於柏舉而成霸道子胥之謀也故春秋美而褒

之通義云傳主釋經進吳子之意善其救蔡非善其為子胥

復仇云爾舊疏云不書救蔡者正以蔡為兵首故也○注不

書至為重○正以傳文有善子胥之意經不書與子胥俱故

解之也其實春秋重吳能救蔡以夷狄而憂中國故舉君為

重也○注子胥至之也○舊疏云子胥不見於經而得爲善之者正以吳得進而稱子是其義文以是之故得成子胥之善故曰以吳義文得成之也穀梁疏云此傳開端似同公羊及其結紉不言子胥之善夫資父事君尊之非異重服之情理宜其均既以天性之重降於義台之輕故令忠臣出自孝子孝子不稱忠臣今子胥稱一體之重忽元首之分以父被誅而痛癢骨隨得耿介之孝失忠義之臣而忠孝不得並存傳不善子胥者胥兩端之間忠臣傷孝子之恩論孝子則失忠臣之義春秋科量至理尊君卑臣子胥有罪明矣君者臣之天天無二日土無二王子胥以藉吳之兵戮楚王之尸可謂失矣雖得壯士之偏節失純臣之具道傳舉見其事不言其義蓋吳子爲蔡討楚申中國之心屈夷狄之意理在可知按楊氏斯言自爲正論古之君臣與後徵殊分士而治固無分民三諫不從得去所以孤惡人君楚王信任讒邪子胥父兄無罪受誅慘痛之情血氣所共君臣之義既絕責求之備可寬然春秋不見子胥但爲寢吳之辭蓋亦實與文不與爾○注雖不至與也○鄂本與下有之字舊疏云吳子若直救蔡討楚而敗之也是其憂中國尊周室之義但親用子胥之謀兼有爲復仇之意是以傳家取而說之遂舉子當之辭以見之雖舉子胥之辭但非懷惡而討不義是以君子與之昭十一年楚子誘蔡侯之下傳云懷惡而討不義君子不子也故注者取而況之按越絕書敘外傳記云今荆平何善以次

太伯何曰非善荆平也乃勇子胥也賢其免於無道之楚困不死也善其以匹夫得一邦之眾並義復仇傾諸侯也非義不為非義不死曰事君猶事父也疏韓詩外傳六親尊故父也是其義也

斬衰三年禮記坊記云喪父三年喪君三年示民不疑也注君無骨肉之親不重其服至尊不明此其為可

以復讎奈何疏通義云就舉上子胥辭責曰父不受誅注不

受誅罪不當誅也疏越絕書外傳紀策考云伍子胥父子奢私悅之欲自御焉奢盡忠入諫守朝不休欲匡正之而王拒

之聽諛邪之辭係而囚之待二子而死是子胥父以無罪被誅也新書耳痺云昔者楚平王有臣曰伍子胥王殺其父而

無罪奔走而之吳父不受誅事詳左傳史記注不受至誅也禮喪服注受猶承也呂覽園道注受

亦應也爾雅釋詁應當也承應皆有當義子復讎可也注孝

經曰資於事父以事君而敬同本取事父之敬以事君而父

以無罪為君所殺諸侯之君與王者異於義得去君臣已絕

故可也孝經云資於事父以事母註公不得報讎文姜者母

所生雖輕於父重於君也易曰天地之大德曰生故得絕不

得殺疏通義云可也者亦可也緣孝子言之即復讎為愛父

託憂蔡興師得免於惡假令正為匹夫復讎春秋猶當責之

故不與足可之辭也禮記疏引異義凡君非理殺臣公羊說

子可復仇故子胥伐楚春秋賢之左氏說君命天也是不可

復仇鄭駁異義稱子思云今之君子退人若將隊諸淵無為

攻首不亦善乎子胥父兄之誅隊淵不足喻伐楚使吳首兵

合於子思之言也白虎通誅伐云父母以義見殺子不復仇

者為往來不止也春秋傳曰父不受誅子不復仇可也後漢

書張敏傳春秋之義子不報仇非子也是皆用公羊為說○

注孝經至事君○孝經士章文舊疏引孝經鄭注云資者人

之行也又引喪服四制注云資猶操也然則言人之行者謂

人操行也故與何氏訓取義異唐元宗注用孔傳亦以資為

取四制云其恩厚者其服重故為父斬衰三年以恩制者也
資於事父以事君而敬同貴貴尊尊義之大者也故為君斬
衰三年以義制者也注貴貴謂為大夫君也尊尊謂為天子
諸侯也蓋有父子然後有君臣故事君之義取於事父所以
求忠臣於孝子之門也○注而父至可也○諸侯之君與王
者異古者有分士無分民故諸侯之臣於義得去也是以禮
記雜記云違諸侯之大夫不反服違大夫之諸侯不反服不

言違天子明天子之臣無去義天子四海為家無出故也○
 注孝經至君也○莊元年夫人孫于齊傳夫人固在齊矣其
 言孫于齊何念母也又云念母者所善也則曷為於其念母
 焉貶不與念母也注念母則忘父背本之道也蓋重本尊統
 使尊行於卑上行於下貶者見王法所當誅是則文姜之罪
 王法誅之可也故僖元年善齊桓誅哀姜也莊公但責其念
 母耳故莊元年注又云言孫者明當推逐去之亦不可加誅
 誅不加上之意也喪服四制云資于事父以事母而愛同取
 事父以事母故母厭于父喪服父在為母期是也緣所生之
 義則重於君爾故臣有大喪君三年不呼其門不以義斷恩
 故也○注易曰至得殺○易繫辭下傳文左
 傳莊元年云絕不為親禮也故於義得絕也父受誅子復讎

推刃之道也注子復囚非常復討其子一往一來曰推刃疏

注子復推刃○校勘記云鄂本囚作讎當據正毛本討誤封
 按紹熙本亦作讎一切經音義引蒼頡篇云推讎也前也墨
 子小取云推也者以其所不取之同於其所取者子之也准
 南祀論云故恩推則懦注推猶移也亦即一往一來之義也
 後漢書臧洪傳洪曰惜洪力復讎不除害注取讎身而已不
 劣不能推刃為天下報仇

得兼讎子復將恐害己而殺之時子胥因吳之眾墮平王之

墓燒其宗廟而已昭王雖可得殺不除云疏

說文彼文又云鞭平王之尸血流至踝此注

也昭二十六年秋九月楚子居卒至今十餘年矣而言血流

至踝者非常之事甯可以常理言之或者益以子胥有至孝

之至精誠感天使血流所以快孝子之心也說苑奉使云昔

者荆平王為無道殺子胥父與其兄子胥欲乞食於吳闔

盧使為將三年將吳兵復仇於楚戰勝平柏舉級頭百萬囊

瓦奔鄒王保于隨引師入郢軍雲行乎郢之郢子胥親射宮

門掘平王家筓其墳數以其罪曰吾先人無罪而子殺之士

卒人加百焉然後止吳越春秋二云伍胥以不得昭王乃掘

平王之墓出其屍鞭之三百左足踐履右手執其目諗之曰

誰使汝用讒諛之口殺我父兄豈不寃哉楚世家吳兵遂入

郢辱平王之墓以伍子胥故也吳世家子胥伯嚭鞭平王之

尸以報父讎越絕書荆平王內傳云使子胥救蔡伐荆十五

戰十五勝將卒六千操鞭捶平王之墓而數之曰昔者吾

先人無罪而子殺之今此報子也又吳內傳云吳王已死子

胥將卒六千人操鞭捶平王墳曰昔者吾先君無罪而子

殺之今此以報子也均無燒其宗廟語唯穀梁傳云易無楚

者壞宗廟徒陳器撻平王之墓校勘記出時子胥因吳之罪

云蜀大字本周監毛本同鄂本無之此衍○注昭王朋友相

至陳云○校勘記云閩本云缺上畫監毛本改作去

衛注同門曰朋同志曰友相衛不使為讎所勝時子胥因仕

於吳為大夫君臣言朋友者闔廬本以朋友之道為子胥復

讎孔子曰益者三友損者三友友直友諒友多聞益矣友便

辟友善柔友便佞損矣疏注同門至曰友○舊疏以為出蒼

曰同門曰朋同志曰友周禮大司徒云五曰隣朋友注同師

曰同門曰朋同志曰友皇疏同處師門曰朋同志曰友詩周

南關雎琴瑟友之箋同志曰友說文又部友同志為友从二

又相交友也其對交異散則通論語精求篇云同門曰朋

此是古注說文及詩注左傳注公羊注皆然同師便不如朋

門之當蓋朋是門戶之名凡曰朋黨曰朋比比是鄉比黨是

黨塾皆里門問戶學僮居處名色故朋為同門此是字義本

爾不可易也○注相衛至所勝○禮記出禮云交遊之讎不

同國注讎不吾辟則殺之交遊或為朋友又云父母存不許

友以死知父母歿得為朋友報讎也周禮調人職從父母兄

弟之讎不同國又云主友之讎視從父兄弟不為戎首故但

相衛檀弓云主人能則執兵而陪其後注為其負當成之負

即不勝也是也○注時子至復讎○繁露滅國上云故伍子

肯一人之上也去楚干闔廬遂得意于楚所託者誠是何可
禦耶越絕書敘外傳記子胥以固干闔廬闔廬勇之甚將為
復讎名譽甚著詩云投我以桃報之以李是亦謂闔廬以朋
友之道為子胥復讎也舊疏引詩云朋友攸攜攜以威儀箋
云朋友謂羣臣與成王同志好者義亦通於此又云書傳散
宜生等受學於太公太公除師學之禮酌酒切脯約為朋友
然則太公為師既除師學之禮連朋言之亦何傷○注孔子
至損矣○論語季氏篇文舊疏云引之者道闔廬子胥相與
益友蓋以闔廬為諒何者謂一許為之與師終不變悔是也
蓋以子胥為直與多聞何者不敢虧君之義復父之讎是其
直也子胥賢者博古今之事是其多聞矣便祥者舊疏謂巧
為譬諭今世間有一論語音便祥為便僻者非鄭氏之意則
讀祥為譬鄭氏義也集解引馬曰便祥巧辟人之所忌以求
容媚蓋讀祥為避故皇本注中作避惠云馬鄭皆讀祥為避
誤矣善柔者舊疏謂口柔面柔體柔之屬蓋亦鄭義馬氏專
以面柔釋之便佞者釋文作辯佞云本亦作便佞校勘記云
疏本亦作辯佞云辯為佞矣今本作便佞蓋据何晏論語本
改按便辯古通書辯秩亦作便秩御覽四百六引論語注云
便佞辯以為佞也與公羊疏而不相迥注迥出表辭猶先也
文異義同蓋亦鄭氏義也

不當先相擊刺所以伸孝子之恩疏法迥出至先也○說文
無迥字古从辵字多與

从子字混疑邇即徇也陳氏壽祺左海經辨云說文徇徇即
明友相衛而不相迥之徇史記韓世家將以楚徇韓注徇從
死也文選吳都賦徇踴鷗之沃劉注亡身從物曰徇漢書賈
誼傳注臣瓚曰以身從物曰徇蓋謂朋友相衛不得以身從
死也徇之以身有敢勇爭先之義故何訓為先也不相迥即
禮記居從父昆弟之離之不為魁也彼注魁猶首也天文北
斗星魁為本故為末謂人謂主友之離視從父昆弟則亦不
為魁也玉篇迥出表辭也集韻先也蓋皆本此為說左傳襄
十年云帶其斷以徇于軍亦即出表之意舊疏云依大司馬
田獵習戰之時云為表百步則一為三表又五十步為一表
然則表者謂其戰時旅進旅退之限徇者謂不顧步伍勉
力先往之意故日出表辭所以伐吳之經不使子胥為兵首
者蓋以吳王討楚兵為蔡故且舉君為重是古之道也疏通
以不得見也注不當至之恩○厚文屬

楚囊瓦出奔鄭疏越絕書吳內傳囊瓦者何楚之相也

庚辰吳入楚疏包氏慎言云十一月書庚辰辰月之三十日左氏

而不可其地曰入如入陳入衛入許入鄭即其義也至柏舉
之役子常之敗庚辰吳入獨書以郢夫諸侯列爵並建國都

唯取國名不稱都號何為郢之見入遺其楚名比于他例
一何乖踳尋二傳所載皆云人楚豈左氏之本獨為謬與

吳何以不稱子注屈狄人盟于邢有進行稱人疏注据狄至
稱人○傳

二十年齊人狄人盟于邢注狄
博人者能常與中國也是也 反夷狄也其反夷狄奈何君

舍于君室大夫舍于大夫室蓋妻楚王之母也注舍其室因

其婦人為妻日者惡其不義疏穀梁傳何以謂之吳也狄之

寢而妻其君之妻大夫居其大夫之寢而妻其大夫之妻蓋

有欲妻楚王之母者不正乘敗人之績而深為利居人之國

故反其狄道也吳越春秋二云闔廬妻昭王夫人伍胥孫武

白喜亦妻子常司馬成之妻以辱楚之君臣也按昭當作平

繁露王道云楚昭王行無皮殺伍子胥父兄蔡昭公朝之因

請其妻昭公不與吳王非之舉兵加楚大敗之君舍乎君室

大夫舍乎大夫室妻楚君之母貪暴之所致也又仁義法云

闔廬能正陳蔡之難矣而春秋奪之義辭以其身不正也按

陳字衍越絕書敘外傳記子胥妻楚王母無罪而死于吳其
行如是何義乎曰孔子固貶之矣賢其復讎惡其妻楚王母
也通義云此左傳所謂以班處宮者也及其故俗故不足進
按哀元年左傳蔡人男女以班襄二十五年左傳男女以班

路晉侯士虞記注班次也蓋謂男與女相次故左氏云以班
 處宮此傳云舍其室也惠氏士奇春秋說云春秋義之曷為
 狄之其人郢也以班處宮故狄之柏舉之戰以義始以狄終
 春秋不遺善不隱惡先進而後既直書其事而義自見者如
 此列女傳云伯嬴者楚平王之夫人昭王之母也昭王時吳
 入郢王亡吳盡妻其后宮伯嬴持刀曰請侯外淫者絕卿大
 夫放士庶人宮割妾以死守之不敢承命耳且凡所欲妾者
 為樂也近妾而死何樂之有如先殺妾又何益於君王於是
 吳王慙遂退舍是妻楚王母事也越絕書以子胥妻楚王母
 蓋傳聞之誤楚王母即平王所為大子建娶于秦者也○注
 日者惡其無義○校勘記云鄂本無作不此誤舊疏云正以
 春秋之義入例書時傷害多則月即定五年夏於越入吳停
 三十三年春王二月秦人入滑之屬今而書日故須解之

皇清經解續編卷千二百五十七終

常熟邵元晉參校

子汝恭校字

皇清經解續編卷千二百五十八

南菁書院

公羊義疏七十

句容陳立卓人著

定五年
盡八年

五年春王正月辛亥朔日有食之注是後臣恣日甚魯失國實

宋大夫叛疏

包氏慎言云正月書辛亥朔左傳作三月劉歆以為正月二日則劉氏所據左氏作正月也漢

書楚元王傳注亦云五年正月辛亥朔師古所據疑是穀梁經而二傳釋文不言與左氏異○注是後至夫叛○舊疏云

蓋謂下八年秋晉趙鞅帥師侵鄭遂侵衛之文是也魯失國寶即下八年盜竊寶玉大弓是也宋五大夫叛即下十一年

宋公之弟辰及仲佗石彊公子池自陳入于蕭以叛宋樂世心自曹入于蕭注不言叛者從叛臣叛可知是也校勘記云

疏中引作宋五大夫叛何校本同此脫五字當據補五行志下之下定公五年三月辛亥朔日有食之董仲舒劉向以為

後鄭滅許魯陽虎作亂竊寶玉大弓季桓子退仲尼宋三臣以邑叛按五行志作三月蓋後人據杜本左氏經改之

夏歸粟于蔡疏

周禮大司徒云大荒大札則令邦國移民通財注移民辟災就賤其有守不可移者則輸之穀

春秋定五年夏歸粟于蔡是也賈疏彼雖非荒札之事直取歸粟一道證經通財之義

孰歸之諸侯歸之曷為不言諸侯歸之注據齊人來歸衛寶

疏○注據齊至衛寶 離至不可得而序故言我也注時為蔡新

被強楚之兵故歸之粟與戊陳同義疏穀梁傳諸侯相歸粟

不言歸之者專辭也注不言歸之者主名若獨是魯也彼傳

又云義邇也注此是邇近之事故不足具列諸侯賈達取彼

為說云不書所會後也○注時為至之粟○鄂本強作疆舊

疏云即老子云大兵之後必有凶年彼注云言妨其耕稼是

也○注與戊陳同義○襄五年戊陳傳孰戌之諸侯戌之曷

為不言諸侯戌之離至不可得而序注離至離別前後至也

陳坐欲與中國被強楚之害中國宜雜然同心救之乃解怠

前後至故不序以刺中國之無信故言我也注言我者以魯

至時書與魯微者同文舊疏云微者同文者使若城楚丘辟

魯獨戌之今歸粟于蔡之義亦然故云與戊陳同義矣是也

於越入吳

然同救恤蔡難也

於越者何越者何注

不言或者嫌兩國疏

校勘記云唐石經原刻脫越者何三

字後磨改補刻故三行每行十一字於越者何此經及下十

四年於越敗吳于醉李是也越者何昭三十二年吳伐越之

屬也舊疏云此文加於字是以單言越者翻然可怪故執不

知問○注不言至兩國○舊疏引舊云正以僖四年傳云執

者曷為或稱侯或稱人稱侯而執者伯討也稱人而執者非

伯討也然則彼言或者乃是兩事之辭今此若云曷為或言

越或言於越則嫌為兩國是以別之舊疏又云隱元年傳云

曷為或言會或言及之屬此何故不云曷為或言於越或言

越者弟子之意本疑於越與越為兩國是於越者未能以其

以分別而問之按舊疏義則註注嫌為疑

名通也越者能以其名通也注越人自名於越君子名之曰

越治國有狀能與中國通者以中國之辭言之曰越治國無

狀不能與中國通以其俗辭言之因其俗可以見善惡故云

爾赤狄以赤進者狄於北方總名赤者其別與越異也吳新

憂中國士卒罷傲而入之疾罪重故謂之於越疏

注於越至日越○杜

云於發聲正義言有此發聲是也越於本語詞易繫辭傳云
於稽其類書堯典黎民於變時雍皆是越之發聲曰於猶吳
之發聲為句吳也於越雙聲句吳疊韻皆夷音也釋名釋州
國云越夷蠻之國也度越禮義無所拘也穀梁傳注舊說於
越夷言也春秋即其所以自稱者書之見其不能慕中國故
以本俗名自通按稱越稱於越春秋新例也故曰越人自名
曰於越君子名之曰越○注治國至云爾○舊疏云此狀謂
模狀也模狀猶規矩若有規矩是得先王之術故謂之進若
無規矩是失治國之法當獲咎禍故謂之退凶儀云無狀招
禍義亦通於此亦有一本狀皆作禮字但非古本是以不能
得從之也通義云本受中國封號曰越其俗自名曰於越先
言倪而後言小邾婁進之也先言越而後言於越退之也楚
病中國繼之以吳春秋所不樂言也末復繼之以越君子尤
惡之故深絕而外之按越其正稱於越其俗所自稱或曰越
或曰於越當時本有二稱春秋即因以示褒貶進退也○注
赤狄至異也○舊疏去正以宣十一年晉侯會狄于携函單
言狄宣十五年晉師滅赤狄潞氏傳潞子之為善也離于夷
狄是其加赤為進之事也但狄者北方之總名乃鄙賤之號
赤者是其別稱故得加之為進矣今越者乃是其國名若似
齊晉魯衛之屬諸夏之人有禮儀者其國名之上不見加於
處唯有越為此文尋檢其事此時入吳實合罪貶故注之按
此亦所謂因其可貶而貶之也○注吳新至於越○釋文作

罷黜首皮弊亦作傲少儀云國罷敵是也毛本罪誤最吳世家越閭吳王之在郢國空乃伐吳吳使別將擊越吳越春秋二云越王元常恨闔廬破之構里與兵伐吳吳在楚越盜掩襲之是其事也吳新憂中國謂其救蔡伐楚上歸粟于蔡為子辭故於越入吳為疾辭舊疏云夷狄之稱止有七等之名州不若國最其賤者今乃加於見其入吳之疾故以罪重之言

六月丙申季孫隱如卒注仲遂以貶起弒是不貶著其逐君者

舉君出為重故從季辛起之猶衛孫甯疏包氏慎言云六月日○注仲遂至起之○釋文作起殺云音試宣八年仲遂卒于垂傳仲遂者何公子遂也何以不稱公子貶曷為貶為弒子赤貶是其貶去氏以起弒君也隱如逐君台貶經無貶文以君出為重故昭二十五年公孫于齊次于陽州是隱如之罪已見矣又書季辛相起即彼年經云秋七月上辛大雩季辛又雩注云不言下辛言季辛者起季氏不執下而逐君是也故何氏以季辛已起其逐君之惡故於卒時不復貶也解詁箋云不貶者著所見世例亦微辭也通義云隱如之罪重矣比之於鞏是不卒者也此之于遂是不日者也今卒而又日者定公之大夫也定公德其立己而不能正出君之罪則

如其恩禮以錄之云爾蓋惟君臣之大義於聲遠既明之矣故於此得施微詞焉此之謂所見異辭按鞏亦桓之大夫何以於桓世不見其卒日者所見世大夫有罪無罪皆日故也○注猶孫甯○襄十四年衛侯衍出奔齊注不書孫甯逐君者舉君紀為重是也

秋七月壬子叔孫不敢卒

疏包氏慎言云七月書壬子月之四日

冬晉士鞅帥師圍鮮虞

六年春王正月癸亥鄭游遨帥師滅許以許男斯歸

疏包氏慎言云正月

月書癸亥月之十九日左氏穀梁游遨作游速大事表云此所滅之許非作本國也成十五年許遷于葉其地已悉歸于鄭為舊許矣至定四年楚遷許于容城則在今南陽府葉縣西至此年鄭復滅之則係容城楚所遷之地也傳云因楚敗蓋以四年入郢之難而滅其與國耳按容城當以在華容者是說詳定四年意當時鄭雖滅許僅將其君歸未必即有其地即以為在葉縣亦未必為鄭所有以沈諸梁在葉也

二月公侵鄭注月者內有疆臣之讐不能討而結外怨故危之

疏注月者至危之○正以
疏例時此月故解之

公至自侵鄭

夏季孫斯仲孫何忌如晉疏通義云列數之者各以事往非相
為副也不各言如晉者其事不正

故其辭不繁按孔
氏取左傳為義

秋晉人執宋行人樂祁犁疏唐石經同閩監
毛本祁作祈

冬城中城疏穀梁傳城中城者三家
張也或曰非外民也

季孫斯仲孫忌帥師圍運校勘記云唐石經諸本同解云古
本無何字有者誤也穀梁及賈經

皆無何字而賈氏云公羊曰仲孫何忌者蓋誤按上文夏季
孫斯仲孫何忌如晉有何字蓋誤指上經也哀十三年晉魏

多帥師侵衛傳此晉魏曼多也曷謂為之晉魏多譏
二名二名非禮也與此傳以同故知此經無何字

此仲孫何忌也曷為謂之仲孫忌譏二名二名非禮也注為

其難諱也一字為名令難言而易諱所以長臣子之敬不逼

下也春秋定哀之間文致大平欲見王者治定無所復為議

唯有二名故譏之此春秋之制也疏舊疏云正決上文夏仲

注為其至下也○舊疏云難言者謂言難著既不言君父之

名即是臣子之敬故曰長臣子之敬也動不違禮為下之易

故曰不逼下也白虎通姓名云春秋譏二名何所以譏者乃

謂其無常者也若乍為名祿甫元言武庚按彼以二名猶言

更名也與何氏異然傳明以何忌為難則以二字為名為二

名矣禮記疏引異義云公羊說譏二名謂二字作名若魏曼

多是也左氏說二名者楚公子棄疾即位之後改為熊居是

為二名慎謹按文武賢臣有散宜生蘇忿生則公羊之說非

從左氏義是則白虎通所載左氏說也鄭駁無考○注春秋

至制也○舊疏云春秋定哀之間文致大平者實不大平但

作大平文而已故曰文致大平也春秋說昭公亦為所見世

而此注偏指定哀為大平者正以昭公之時未譏二名故也

文王之臣散宜生孔子門人必不齊之屬皆親事聖人而以

二字為名者謂依古禮若似堯名放勳舜名重華禹名文命

宣王名子為宮涅之屬但孔子作春秋欲改古禮為後王法

是以譏其二名故注即言此春秋之制也則傳云二名非禮

者謂非新王禮不謂非古禮也是也按越絕書敘外傳記云

賜見春秋改文尚質譏二名與素王亦發憤記吳越章句其

篇以喻後賢隱元年注云至所見之世著治大平夷狄進至
于爵天下遠近小大若一用心尤深而詳故崇仁義譏二名
晉魏曼多仲孫何忌是也繁露俞序云故始言大惡殺君亡
國終言赦小過是亦始于嚴樞終于精微教化流行德澤大
洽天地之大人人有士君子之行而少過矣亦譏二名之意
也通義云春秋之制者君子所託新意損益周制以爲後王
法若周人尊尊弟兄不得以屬通春秋親親母弟稱弟母兄
稱兄成王既殯康王冕服受朝春秋之義則踰年卽位於其
封內三年稱子几此類非一欲見周禮本得二名但春秋譏
之耳而許叔重橫引文武賢臣蘇忿生散宜生爲難鳥足與
議也杜預輒以不稱何爲闕文名闕一字復何難曉而君子
不敢增也何忌自昭末年見經至此獨一年有兩事取其同
簡異名易以相起故就此譏之如子服何忌左傳又謂之
子服何或單言何蓋時多有此春秋取其單言者爲正焉

七年春王正月

夏四月

秋齊侯鄭伯盟于鹹

齊人執衛行人北宮結以侵衛

疏 穀梁傳以重辭也衛人重北宮結注齊以衛重結故執以

侵之若楚執宋公以伐
宋凡言以皆非所宜以

齊侯衛侯盟于沙澤

通義云再盟皆不月者齊縣衛鄭晉始失伯伯主不信信在諸侯矣左氏穀梁

經無澤字左傳作瑣杜云即沙也陽平元城縣東南有沙亭

在今大名府元城縣東按左氏書地往往省文于公羊如此

公羊作沙澤左氏作沙傳二年公羊作貫澤左氏作貫蓋皆

從省文也釋例土地名衛地沙瑣二名陽平元城縣東南有

沙亭方輿紀要沙亭在大名府東左氏謂之瑣晉地地道記方

城縣南有瑣陽城是即沙亭矣經學危言云左氏經作沙傳

作瑣公羊作沙澤成十二年公會齊侯衛瑣瑣澤公羊經

亦作沙澤然則瑣即瑣澤公羊曰沙左氏口瑣齊魯讀之異

今此左氏作沙與傳不合寫誤也杜於此注云地在陽平元

城于瑣澤下云地闕是未考沙瑣沙澤瑣澤同是一地耳語

晰明

大雩注

先是公侵鄭城中城季孫斯仲孫忌如晉圍運費重不

恤民之應疏

注先是至云應○即上六年二月公侵鄭又冬

斯仲孫忌圍運是也城中城又夏季孫斯仲孫何忌如晉又冬季孫

之也五行志中之上定公七年九月大雩先是定公自將侵

鄭歸而城中城三大夫
帥師圍邾與何義云

齊國夏帥師伐我西鄙

九月大雩注承前費重不恤民又重之以齊師伐我我自救之

役疏注承尊至之役○即上齊國夏帥師伐我西鄙是也校

字是紹熙本重我字左疏引賈逵云旱也

冬十月疏左氏經無此句杜亦無說宜是脫文左傳校勘記云

熙本折本補本閩本監本手本亦脫此三字據石經宋本信

八年春王正月公侵齊疏舊疏云侵伐例時而此月者正以內

義具下注

公至自侵齊疏舊疏云以例言之不蒙上月矣

二月公侵齊

公羊義疏七十

三月公至自侵齊注出入月者內有疆臣之讎外犯疆齊再出

尤危於侵鄭故知入亦當蒙上月疏注出入至上月○校勘

字本脫再字鄂本尤誤大紹熙本無脫誤舊疏云春秋之例是也故何氏分疏之云此定公侵齊所以出入月者正以內有強臣之讎不能討而外犯強齊頓煩再出尤危於六年侵鄭之時故知其入亦當蒙月也上六年三月公侵鄭彼注云月者內有強臣之讎不能討而外結怨故危之也下經始云公至自侵鄭則知何氏以為至不蒙月故此決云再出尤危於侵鄭則知入亦當蒙月也穀梁傳公如往時致月危致也往月致時危往也往月致月惡之也

曹伯露卒

夏齊國夏帥師伐我西鄙

公會晉師于瓦疏杜云瓦衛地東都燕縣東北有瓦亭大事表

經注濟水篇酸澗首受河于酸棗縣東逕酸棗城又東北逕燕城北又東逕滑臺城南又東南逕瓦亭南春秋定八年公會晉師于瓦是也疏公至自瓦注此晉趙鞅之師也但言志云在衛輝府滑縣西

晉師者君不會大夫之辭也公會大夫不別得意雖得意不

致此致者諱公為大夫所會故使若得意者疏也○舊疏云

正以下經云晉趙鞅帥師侵鄭遂侵衛故知此亦趙鞅之師也○注但言至辭也○宣元年趙盾帥師救陳宋公以下會

晉師于斐林伐鄭傳此晉趙盾之師也曷為不言趙盾之師

君不會大夫之辭也此與彼同故以解之通義云按左傳

時趙鞅等來救魯也瓦內地接如彼傳上鞅居首注止言趙

鞅恐不取左氏為義瓦為內地書至當有解說何無注亦不

以為內地也○注公會至不致○莊六年注云公與二國以

出會盟得意致會不得意不致公與一國出會盟得意致

地不得意不致彼謂公與鄰國諸侯尊同勢敵故分別得意

與否若大夫以下尊卑異等自宜得意故無區別故倍二十

五年注公與未踰年君大夫盟不別得意雖在外猶不致也

此與趙鞅會可不致而致者以諱與大夫會似與晉君會依

秋七月戊辰陳侯柳卒疏

包氏慎言云七月書戊辰月之

晉趙鞅帥師侵鄭遂侵衛疏

左氏經作士鞅按左氏公會晉師

公羊義疏七十

士執居首故侵鄭之師亦書上執也杜云兩事故曰遂

葬曹靖公疏校勘記云唐石經諸本同釋文作曹諝云才非反本亦作靖按段枝本作諝則善識法共以解信曰靖

九月葬陳懷公疏證法慈仁短折曰懷

季孫斯仲孫何忌帥師侵衛

冬衛侯鄭伯盟于曲澗疏杜云曲澗衛地

從祀先公

從祀者何順祀也注復文公之逆祀疏左傳云順祀先公而

所為杜云從順也先公閔公僖公也將正二公之位次所順非一親盡故通言先公禮記疏引服虔云自躋倍公以來昭穆皆通殺梁傳貴復正也漢書郊祀志春秋大復古善順祀後漢書質帝紀認曰孝殤皇帝雖不永體祚而卽位踰年君臣禮成孝安皇帝承襲統業而前世遂令恭陵在康陵之上先後相踰失其次序非所以奉宗廟之重垂無窮之制昔定

公追正順祀春秋善之其令恭陵次康陵憲陵次恭陵以序
親秩為萬世法又周舉傳春秋魯閔公無子庶兄僖公代立
其子文公適齊僖公於閔上孔子譏之書曰有事于大廟躋
僖公傳曰逆祀也及定公正其序經曰從祀先公為萬世法
也皆以從

祀為順 文公逆祀去者三人注諫不從而去之疏文二年
八月丁卯大事于大廟躋僖公是也彼云躋者何升也何言乎定
升僖公議何議爾逆祀也其逆祀奈何先禰而後祖也

公順祀叛者五人注諫不以禮而去曰叛去與叛皆不書者

微也不書禘者後祫亦順非獨禘也言祀者無已長久之辭

不言僖公者閔公亦得其順疏公羊問荅云順祀而叛者何

者三人定公順祀叛者五人貫於俗者謂則禮為非曉禮者

寡則知是者稀解詁箋云叛者謂陽虎之屬也逆祀當出季

氏之意欲章其立僖之功文公不知正之耳從祀亦非定公

氏又以叛者謂陽虎之屬自相矛盾通義引左傳曰季寤公
鉅桓公山不狝皆不得志于季氏叔孫輒無寵于叔孫氏叔
仲志不得志于魯故五人因陽虎陽虎欲去三桓以季寤更
季氏以叔孫輒更叔孫氏己更孟氏冬十月順祀先公而肅

為辛卯禘于僖公此傳云叛者五人虎叛已見下文故略舉
 其黨即廢也極也不狃也輒也志也傳意明順祀非實得正
 亦微辭耳季氏專魯國然後舍中軍陽虎專季氏然後從祀
 先公而春秋書之豈若國之典制者稱其美不稱其惡臣子
 之義重其禮不重其事制作之意也察於此可以治公羊之
 學矣○注諫不至曰叛○舊疏云謂諫君全不以禮不從之
 而去之者謂之叛也○注不書至禘也○左傳辛卯禘于僖
 公注不於大廟者順祀之義當退僖公懼於僖神故於僖廟
 行順祀舊疏云何意以三年一禘五年一禘謂諸侯始封之
 年禘禘並作但夏禘則不禘秋禘則不嘗而已一禘一禘隨
 次而下其間三五參差亦有禘禘同年時矣若其有喪正可
 於喪廢其禘禘之年仍自乘上數之即僖八年禘于大廟之
 時禘禘同年矣至文二年大事于大廟之下傳云大事者何
 大禘也注從僖八年禘數之知為大禘是從僖八年禘禘同
 年數之即文二年為禘禘五年為禘禘同年又隨次而數之
 至今定八年亦禘禘同年矣凡為祭之法先重而後輕禘大
 於禘固當先之則知從祀先公者是禘明矣故云不書禘者
 後禘亦順非獨禘也若然既言是禘理宜在夏而在冬下者
 當之矣按陽虎為欲去季氏故不必正時也○注言祀至之
 辭○說文祀祭無已也从示已聲釋名釋天云殷曰祀祀已
 也新氣升故氣已也皆本已為義以其一年稱祀之義則取
 其已以其大祭稱祀之義則取其無已反正互訓古人多有

盜竊寶玉大弓

此例○注不言至其順○舊疏云閔二年夏五月乙酉吉禘于莊公僖八年秋七月禘于大廟文三年八月丁卯大事于太廟之文皆道其人今此經文所以不言從祀僖公而言先公者正以閔公亦得其順是以不得特指之

盜者孰謂注

微而竊大可怪故問之

疏

注微而至問之○舊疏云哀四年傳云弒

君賤者窮諸人此其稱盜以弒何賤乎賤者也是盜為微賤之稱寶玉大弓國之重寶故云微而竊大也謂陽虎

也陽虎者曷為者也季氏之宰也

注季氏之陪臣為政者疏

注季氏至政者○論語陽貨篇陽貨欲見孔子集解孔曰陽貨陽虎也季氏家臣而專魯國之政孟子滕文公篇陽虎曰

趙注陽虎魯季氏家臣也下九年左傳齊鮑文子曰夫陽虎有寵於季氏而將殺季孫以不利魯國而求容焉論語季氏

篇陪臣執國命謂此季氏之宰則微者也惡乎得國寶而竊之陽虎專

季氏季氏專魯國陽虎拘季孫注季氏逐昭公之後取其寶

玉藏於其家陽虎拘季孫奪其寶玉季孫取玉不書者舉逐

君為重也疏注季氏至寶玉○季氏逐昭公在昭二十五年

所見左傳謂陽虎說甲如公宮取寶玉大弓以出接陽虎時

已與孟氏戰敗奔亡之不服安能尚說甲如公宮取寶玉大

弓故何氏不取○注取玉至重孟氏與叔孫氏迭而食之賤

也○各本無也字依鄂本補

而銀其板注以爪刻其饋斂板疏校勘記云唐石經諸本同

同釋文作賤又云銀本又作鐵七廉反又且審反本或作殺

誤按桓二年傳俄而可以為其有矣莊三十二年傳俄而牙

弑械成字皆作俄何注桓二年云俄者謂須臾之間創得之

頃也此从目非通義本作賤云卧而賤之曰賤按卧而賤之

無謂石經原刻是也○注以爪至斂板○廣雅釋器云銀鋒

也又釋詁鐵銳也集韻銀或作鐵說文金部鐵鐵器也一日

鐫也銀本以錐刻物之名不必專指以爪刻也爪為人手掌

之稱時季氏被囚或無鐵物故適以爪刻字於上求救蓋當

時急切所為何氏非訓銀為以爪刻板也通義云銀刻也板

饋食器上蓋按說文無板字當作版古音方反皆重唇音故

訓方為版因之斂藏曰某月某日將殺我于蒲圃疏校勘記云唐石

經諸本同釋文蒲圃本又作甫某力能救我則於是注於是

鈔本作蒲圃按左傳亦作蒲圃

時至乎曰若時而出疏舊疏云謂至于某日如約之時也以

言其時但傳家省去之至此乃言若時以刻日也左傳云王

辰將享季氏于蒲圃而殺之蓋是日若時也校勘記云疏及

諸本同唐石經臨南者陽虎之出也疏舊疏云姊妹之子謂

平磨改日誤曰臨南者陽虎之出也蓋是虎之外生

也或曰從其家出而仕于公亦不妨下季氏云世世有子是

矣通義云臨南臨楚字出姊妹之子也蓋舊疏前一說是也

御之注為季孫御疏注為季孫御○左傳陽虎前驅林楚御

圖林楚即於其乘焉疏舊疏云於其乘焉謂季孫謂臨南曰

臨南也於其乘焉疏於其上車之時矣季孫謂臨南曰

以季氏之世世有子注言我季氏累世有女以為臣疏俞氏

經平義云何解未得有字之意有者相親有之謂也昭二十

年左傳是不有寡君也杜注有相親有也宣十五年公羊傳

潞子離於狄而未相親有也中國晉師伐之中國不救狄人不

有不有亦言不相親有也以季氏之世世有子謂季氏累世

親厚於子異於他人若如何解則子可以不免我死乎注以

為不辭按如何義亦未為不可通子可以不免我死乎注以

義責之疏左傳桓子昨謂林楚曰而先皆季氏之良也爾以

是繼之杜云欲使林楚免已於難以繼其先人之

公羊義疏七十

十

良臨南曰有力不足臣何敢不勉疏左傳林楚對曰臣聞命後陽虎為政魯國服焉

違之欲死死無益於主桓子曰何後之有而能以我陽越者適孟氏乎對曰不敢受死懼不免主桓子曰往也

陽虎之從弟也為右注為季孫車右賁衛之疏左傳陽越殿

從弟注為季至衛之舊疏云謂諸陽之從者車數十乘守衛季孫不令走乘車中有車右也

至于孟衛注孟氏衛四達可以橫去疏注孟氏至橫去舊疏云即釋宮四達謂

之衛李巡曰四達各有所至曰衛孫氏曰交通四出是也釋名釋道云四達曰衛齊魯謂四齒杷為權權杷地則有四處

此道似之也時臨南奉季孫適孟氏此衛蓋即近孟氏之舍故曰孟衛左傳云及衛而馳即此衛也臨南投策

而墜之注策馬揮也見二家迭食之欲將季孫由孟氏免之

恐陽越不聽故詐投策欲使下車疏釋文作而隊唐石經缺

七年左傳左師為己短策正義引服虔注策馬揮也襄十

應訓杖策銀上貫頤注策馬揮文十三年左傳繞朝贈之以策杜注策馬揮也呂覽審為云杖策陽越下取策臨南駮馬而去注策筆也說文竹部策馬筆也

注 揮馬街走

疏

校勘記云唐石經諸本同釋文駮本又作橄字書無此字相承用之按廣雅釋詁敵擊也

王氏念孫疏證云王篇敵敵擊也公羊傳駮敵並音素董反其義同也是也○注揮馬街走○鄂本捶作搖按依說文當作筆段借字捶誘作搖按紹熙本亦作搖廣韻駮馬搖而由街走也則作搖亦通左傳林楚怒馬及衛而騁是也

乎孟氏陽虎從而射之矢著于莊門注

莊門孟氏所入門名

言幾中季孫賴門閉故著門疏

釋文莊木或作嚴亦音莊蓋漢人避諱改也○注莊門至

著門○左傳孟氏選圍人之壯者三百人以爲公期築室於門外又曰陽越射之不中築者闔門注季孫既得入乃閉門

此以爲陽虎射之異然而甲起於琴如注

甲公斂處父所帥也琴如地名二家知出期故於是時起兵疏

注甲公至帥也○卽下云公斂處父帥師而至是也

左傳陽虎劫公與武叔以伐孟氏公斂處父帥師成人自上東門入○注二家至起兵○卽上傳云力能救我則於是是也

下注云公斂處父孟氏叔孫氏將兵弑不成卻反舍于郊皆

之將左氏以爲孟氏家臣何所不取弑不成卻反舍于郊皆

說然息注

說解舍然猶如疏

舊疏云

正以季孫於陽虎爲君故謂之弑也卻反舍于郊者謂

上文陽虎從而射之時逐之鄉孟氏今而還去舍于郊故曰
卻反舍于郊不謂元從郊來左傳與陽氏戰于南門之內弗
勝又戰于棘下陽氏敗陽虎說甲如公宮取寶王大弓以出
舍于五父之衢即此之卻反舍于郊也校勘記云唐石經諸
本同釋文鞮作殺云音試下同御本又作却說然本又作稅
○注說解舍然猶如○易遯六二莫之勝說虞注說解也國
語齊語脫衣就功注脫解也禮士昏禮主人說服于房又既
夕記主人說髦注今文說為稅稅亦訓舍詩碩人稅于農郊
是也然猶如者詩魏風葛屨云宛然左辟說文人部引作宛
如左辟然如雙聲字得通用故論語憲問云子曰其然皇疏
然如此也禮記大傳其義然也注然如是也通義云說然猶
脫然也按此即左傳之寢而為食也俞氏樾羣經平議云何
氏此解昧末明了說猶脫也詩野有死麕篇舒而脫脫兮毛
傳脫脫舒遲也重言之為脫脫單言之即為脫淮南子精神
訓則脫然而喜矣高注脫舒也此傳云說然猶彼云脫然乃
舒遲之意蓋陽虎意中無所畏懼故與其徒服然止息耳脫
與說古字通用荀子正名篇或曰弑于乘之主注時季氏邑
楊倞注曰說讀為脫義亦通

至於千乘疏注時季至千乘○禮記坊記云故制國不過千
乘都城不過百雉家富不過百乘鄭注古者方
十里其中六十四井出兵車一乘此兵賦之法也成國之賦
千乘又鄭注小司徒云井十為通土一人徒二人通十為成

革車一乘士十人徒二十人十成爲終革車十乘士一百人
徒二百人十終爲同革車百乘士千人徒二千人此謂公卿
大夫采地出軍之制也禮記疏引司馬法又云甸方八里出
長轂一乘鄭注小司徒云若通溝洫之地則爲十里若除溝
洫之地則爲八里則方十里者六十四井也季氏爲大夫極
于百乘而得千乘者蓋初作中軍三分公室各有其一及舍
中軍四分公室季氏擇二皆盡征之公車千乘皆季所專故
目爲千乘之主焉論語先進云季氏富於周公亦以季氏專
執魯政盡征其民故也而不克舍此可乎注嫌其近而無所依疏左傳

曰追其陽虎曰夫孺子得國而已注得免專國家而已疏通

云孺子謂季桓子按謂季孫仍得國政而已也如丈夫何注

左傳虎曰魯人聞余出喜於微死何服追余如猶奈也○文選東京賦如

如猶奈也丈夫大人稱也疏注如猶奈也○文選東京賦如

也昭十二年傳子苟如之何注如猶奈也論語子罕篇匡人

其如子何皇疏如子何者猶言奈我何也○注丈夫大人稱

也○說文丈夫丈夫也从大一以象臂也周制以八寸爲尺十
尺爲丈人長八尺故曰丈夫禮記郊特牲注夫之言丈夫也
曲禮云若夫注言若欲爲丈夫也廣雅釋器男子謂之丈夫
哀十一年傳是謂我不成丈夫也是丈夫爲美大之稱也易

隨六二係小子失丈夫以丈夫與小子對故何氏謂
大人稱也通義云丈夫陽虎自謂言必不敢追己
職而曰

彼哉彼哉注望見公斂處父師而曰彼哉彼哉再言之者切

遮意疏也注望見至彼哉○即下傳云公斂處父帥師而至是

其實非也職讀為俄俄謂須臾之頃也虎舍于郊而說然息

謂魯人必不來追我也俄而思公斂處父必來追故曰彼哉

彼哉此意中之處父非目中之處父也處父至則不及駕故

曰越駕非望見處父之師而後駕也俄而二字傳文履見桓

二年傳曰俄而可以為其有矣莊二十二年傳曰俄而牙

械成作職者段借字耳上文曰職而侵其板亦是借職為俄

也漢書外戚傳始為少使蟻而大幸則又借用蟻字按此陽

虎實望見公斂處之師故越駕既駕而師至故曰僅然後得

免作見解作俄讀俱無不可通彼哉論語憲問篇亦有

是語夫子論子西也宋氏翔鳳過庭錄云何意謂彼哉言彼
地不可久處禍將及也楚令尹子西之治亂足以招亂故孔
子思速去之與公羊言越駕語義同蓋魯齊兩論也論語積
求篇云坤蒼曰彼者邪也彼字省作彼字而廣韻集韻遂各
收彼字在上紙韻且各引論語彼哉彼哉為證於是傳會之
家遂謂魯論舊本原是彼字然按公羊定八年陽虎謀弑季
氏不得見公斂處父之甲職而曰彼哉彼哉則彼本如字且

陽虎時未有魯論此必古成語而夫子引以作荅者按論語集解引馬曰彼哉彼哉言無足稱也皇疏彼哉彼哉者又荅或人言人自是彼人耳無別行可稱也蓋陽虎初見甲起不知何人尙脫然息及見公斂處父乃懼而疾走曰彼哉彼哉彼即彼公斂處父蓋畏詞也與論子西語氣同而語義異也何晏論語序云古論至順帝時馬融爲之訓詁則馬習古文也說文無彼字玉篇人部彼邪也廣韻所本說文用古論故不收彼字過庭錄又云廣韻五寘彼哀也論語云子西彼哉言子西不若子產治政之有遺愛管仲治齊之無怨言終於掩面而死固可哀也廣韻所載蓋古文論語之遺彼字當在史籀亡篇中故說文不載彼字也按玉篇云邪也廣雅云衰也則廣韻之哀即衰之譌子西之死在孔子後孔子何得逆知其事而哀之且作邪字解亦不可通以之說論語則論子西太過以之說公羊則陽虎不得以公斂處父爲邪也彼哉者若曰是彼也哉○注再言至遠意○原文屬趣駕注使疾駕疏注使疾駕○後漢讀曰促管子國蓄云則君雖強本趣耕注趣讀爲促說文走部趣疾也漢書翟方進傳督趣司隸注趣讀曰促謂促其疾行故曰趣駕也左傳從者曰既駕公斂處父帥師而至注公嘻速駕公斂陽在即處父也

斂處父孟氏叔孫氏將兵之將疏注公斂至之將○左傳成

孟氏邑則公斂處父孟氏家臣也與何異僅然後得免通義云僅僅也一切經音義引字林云僅才能

也國策云邯鄲僅存注僅裁僅即僅字之借言僅僅得免也左傳公斂陽請追之孟孫弗許故得免也自是走

之晉疏左傳陽虎入于謹陽關以叛魯世家云陽虎欲盡殺之桓子詐而得脫三桓共攻陽虎陽虎居陽關魯伐陽

虎陽虎奔齊已而奔晉趙氏左傳下十年具詳其事寶者

何璋判白注判半也半圭曰璋白藏天子青藏諸侯魯得郊

天故錫以白不言璋言王者起珪璧琮璜璋五玉盡亡之也

傳獨言璋者所以郊事天尤重詩云奉璋峨峨髦士攸宜是

也禮珪以朝璧以聘琮以發兵璜以發眾璋以徵召疏穀梁

氏所不取注判半也周禮媒氏掌萬民之判注判半也

楚辭注引字林判半也一切經音義判古文胖又作胖詩大

雅訪落繼猶判漢傳判分也周禮朝士職凡有責者有判書注判半分而合者是判為半也注半圭曰璋注半圭曰璋詩大雅棫

禮大宗伯以赤璋禮南方注半圭之名又言判白者蓋半白圭曰璋象夏物半死按璋本
全上公用麗之義毛本圭作珪下圭璧字皆从玉○注白藏
至以白○舊疏云白藏天子青藏諸侯春秋說文蓋諸侯純
青天子純白魯降於天子異於諸侯故判白也藏字釋文無
音○注不言至之也○周禮小行人云台六幣圭以馬璋以
皮璧以帛琮以錦琥以繡璜以繡此唯無琥蓋彼周禮也周
禮圭璋以朝聘璧琮用以享琥璜用以大饗所用亦與下注
所記不合○注傳獨至是也○校勘記云峨峨鄂本閩監毛
木同此木翻刻者峨字誤从虫旁釋文峨峨木又作娥按廣
雅釋訓娥娥容也與何氏引詩正合毛詩作袞段借字也舊
疏云言文王祭皇天上帝時在助祭者奉此半圭之璋其儀
容峨峨盛莊矣盡是俊士之所宜利何氏與鄭同按舊疏所
云卽鄭氏箋義公羊禮說云此疏大謬鄭箋璋璋璜也祭祀
之禮王祿以圭瓚諸臣助之亞裸以璋瓚疏禮圭以進君璋
以進夫人則圭當統名不得言璋冬官玉人大璋中璋邊璋
皆是璋瓚也小宰注云唯人道宗廟有灌天地大神至尊不
灌莫稱焉則訾灌事祭宗廟也按何氏謂判半也半圭曰璋
與毛同鄭以爲璋瓚與何異何以爲郊天鄭以爲宗廟之祭
絕然兩途徐謂何與鄭同不察之甚矣何氏郊天之說出於
仲舒繁露四祭云已受命而王必先祭天乃行王事文王之
伐崇是也詩曰濟濟辟王左右奉璋奉璋峩峩髦士攸宜此

文王之郊也是也鄭以上章為郊天此章為祭宗廟舊疏亦
 沿上章而致誤與詩疏引孫毓異同評云國事莫大乎祀祀
 神莫大乎天必擇俊士與其禮故舉祭天之事以明官人
 之義亦以此節為郊天之詩毛氏本上章為說蓋亦以為郊
 天之禮謂君王行禮之時其左右之臣奉璋而助行之也彼
 疏引王肅申之云羣臣從王行禮之所奉引願命曰大保乘
 璋以酢皆與鄭以璋為璋瓚者異○注禮璋至微召○白虎
 通瑞贊篇云五王者各何施蓋以為瓚以徵召璧以聘問璋
 以發兵珪以質信琮以起土功之事也與此互異蓋皆逸禮
 文也珪以朝者白虎通云珪以珪為信何珪者兌上象物始生
 見於上也信莫著于作見故以珪為信而見萬物之始莫不
 自潔珪之為言圭也上兌陽也下方陰也陽尊故其理順備
 也位在東陽見義于上也又云合符信者謂天子執珪以朝
 諸侯執圭以覲天子是此之珪以朝即彼之珪以質信也說
 文玉部珪瑞玉也禮記禮器云諸侯以圭為瑞注瑞信也苟
 子大略云聘人以珪揚注謂使人聘他國以珪璋皆因圭以
 質信故用以朝臣下所執則象圭也諸侯所執以朝天子則
 大宗伯云公執桓圭侯執信圭伯執躬圭之類是也璧以聘
 者白虎通云璧以聘問何璧者方中國外象地地道安審而
 出財物故以璧聘問也方中陰德力也圓外陰繫于陽也陰
 德盛于內故見象于內位在中央璧之為言積也中央故有
 天地之象所以據用也內方象地外圓象天也按禮聘禮受

享東帛加璧注君享用璧知聘用璧也其子男朝天子亦以璧大宗伯子執穀璧男執蒲璧是也琮以發兵者白虎通云琮以起土功發眾何琮之為言宗也象萬物之宗聚也功之所成故以起土功發眾也位在西方西方陽收功于內陰出成于外內團象陽外直為陰外牙而內湊象聚會也故謂之琮后夫人之財也按琮之見於禮者大宗伯以黃琮禮地玉人云駟琮五寸宗后以為權聘禮享夫人以琮此謂琮以發兵與諸書不合璜以發眾者白虎通云璜所以徵召何璜者半璧位在北方北陰極而陽始起故象半陰陽氣始施徵召萬物故以徵召也不象陽何陽始物微未可見也璜者橫也質尊之命也陽氣橫于黃泉故曰璜璜之為言光也易光所及莫不動也象君之威命所加莫敢不從陽之所施無不節也徵召與發眾事近也璋以徵召者白虎通云璋以發兵何璋者半珪位在南方南方陽極而陰始起兵亦陰也故以發兵也不象其陰何陰始起象物尙凝未可象也璋之為言明也賞罰之道使臣之禮當章明也南方之時莫不章故謂之璋亦與徵召取義為近按周禮典瑞牙璋以起軍旅蓋周禮也璋以徵召又以郊天者蓋郊天之璋判白此或即青藏者與

與弓繡質注質拊也言大者力千斤疏穀梁以為武王之戎

來說以大弓即封父之繁弱與何氏異舊疏云千斤之文何氏有所見也○注質拊也○校勘記云閩監毛本同釋文質

拊此从手旁說按廣雅釋言拊柢也考工記弓人云於挺臂
中有拊焉注拊側骨釋名釋兵云中央曰拊拊無也人所撫
持也拊卽敵故下云方其峻而高其拊長其畏而薄其敵鄭
司農云敵謂弓人所握持也戴氏震考工記圖補正云挺臂
中有拊拊謂之質之高而薄之以便握持敵與拊皆弓把拊者
其內側骨謂之質之周禮疏云拊把中居弓之正中質亦有
正義司弓云矢以授甲革榘質者注質正也是也蓋唯榘爲
異爾○注言大者力千斤○舊疏云家語云三十斤爲鈞謂
之石然則千斤之弓其力八石三斗有餘故左傳云可以威
不軌戒不虞也按斤數不合段校本謂字上有百二十斤四
字下文三斗有餘四字乃衍文

龜青純

注純緣也謂緣甲一類也千歲之龜青

擗明于吉凶易曰定天下之吉凶成天下之亹亹者莫善乎
著龜經不言龜以先知從寶省文謂之寶者世世寶用之辭
此皆魯始封之錫不言取而言竊者正名也定公從季孫假
馬孔子曰君之於臣有取無假而君臣之義立主書者定公
失政權移陪臣拘其尊卿喪其五玉無以言信天子交質諸

侯當絕之不書拘季孫者舉五玉為重書大弓者使若都以

國寶書微辭也疏注純緣至吉凶○周禮司几筵云設莞筵

飾衣曰純謂領與袂上冠禮青紉總純注純緣也凡衣履之

飾邊者皆曰純故亦謂龜之緣曰純也毛本顛誤頗說文龜

部臚甲邊也从龜月聲天子巨龜尺有二寸諸侯尺大夫八

寸士六寸段注云頤者魯之省臚之段借字劉淵林注蜀都

賦引譙周異物志曰涪陵多大龜其甲可以卜其緣中又似

瑋用俗名曰靈又郭注爾雅亦用其說而今本多訛字漢書

食貨志元龜岫并長尺二寸并亦段借字孟康曰并龜甲緣

也岫至也度背兩邊緣尺二寸也緣者甲之邊也甲文象木

載孚甲之象故介蟲外骨謂之甲禮記樂記云青黑緣者天

子之寶龜也史記樂書同即此之青植也青黑色近故禮器

注云秦時或以青為黑故也千歲之龜髻色成青黑故曰青

緣樂記疏謂寶龜之甲並以青黑為之緣非也○注易曰至

著龜○繫辭上傳文韓康伯本作莫大乎蒼龜釋文大作善

與此同漢書藝文志儀禮疏引皆作莫善賈公彥云凡草之

靈莫善於著凡蟲之靈莫善於龜中山經云江水出焉其中

多良龜郭注良善也亦取易為義也舊疏云今易善作大為

異文彼注云凡天下之善惡及沒沒之眾事皆成定之言其

廣大無不包也舊疏多用鄭說疑亦鄭氏注也校勘記云惠

棟云古易皆作莫善乎耆龜王弼本善作大後人皆仍其誤
 按今文易作莫善古文易作莫大鄭注本及王弼本皆費氏
 古文也故作大鄭注云言其廣大無不包也可證是大大字○
 注經不至之辭○校勘記云疏引作世世保用之辭此以保
 訓寶也今本仍作寶非定元年疏引同接何校本正作保郊
 特牲云龜為前列先知也故云以先知從寶省文通義云經
 未見龜者虎止竊弓璋傳廣言魯所有寶爾明堂位曰封父
 龜即此也大弓繁弱之弓也按明堂位所記魯寶多矣傳何
 為不敘及但廣言龜蓋龜亦虎所竊也龜謂之寶者禮記禮
 器云諸侯以龜為寶注古者貨貝寶龜大夫以下有貨耳易
 曰十朋之龜是寶龜唯天子諸侯有之也白虎通著龜云天
 子龜長一尺二寸諸侯一尺大夫八寸蓋尋常卜龜大夫得
 有也士喪禮有卜曰知士亦有矣故臧氏守龜有句僕者論
 語公冶長篇臧文仲居蔡包注蔡國君之守龜也長尺有二
 寸皇侃疏蔡大龜也禮唯諸侯以上得畜大龜以卜國之吉
 凶大夫亦得卜用龜之小者不得畜蔡也則臧氏居蔡蓋亦
 得也故孔子譏其不知不獨山節藻梲也○注此皆至之錫
 ○舊疏云左傳定四年具有其文也穀梁傳亦以為周公受
 賜藏之魯書召諸云大保乃以庶那家君出取幣乃復入錫
 周公疏引鄭注云所賜之幣蓋璋以皮及寶玉大弓此時所
 賜召公見眾殷之民大作周公德隆功成有反政之期而欲
 顯之因大戒天下故與諸侯出取幣使戒成王立於位以其

命賜周公是為始封之錫也若然定四年左傳又云分魯公以大路大旗夏后氏之璜封父之繁弱者彼蓋賜魯公此為賜周公同為始封之錫也此傳璋即寶玉書鄭注以璋與寶玉殊言之者寶玉雜色有琮璧圭璜而璋祀天之物尤重故特舉之與○注不言至名也○穀梁傳非其所以與人而與人謂之亡非其所取而取之謂之盜彼蓋以盜即竊其實盜為賤者之稱竊者乃其正名也○注定公至義立○舊疏云家語文校勘記今家語無君臣之義立按韓詩外傳五云孔子侍坐于季孫季孫之宰通曰君使人假馬其與之乎孔子曰吾聞君取於臣謂之取不曰假季孫悟告宰通曰今以往君有取謂之取無曰假孔子曰正假馬之言而君臣之義定矣論語曰必也正名乎詩曰君子無易由言名正也新序五亦載此事蓋何氏所本家語多王肅偽竄非何所據也大戴禮少問云臣故曰君無言情於臣君無假人器君無假人名論語子路篇必曰正名乎注馬曰正百事之名皇疏孔子答曰為時昏禮亂言語翻雜名物失其本號故為政必以正名為先也○注主書至絕之○校勘記出喪其五玉云鄂本同閩監毛本作寶玉非此本訛作玉玉今訂正包氏慎言云五玉為天子所錫以鎮國者也為盜所竊當坐不謹故絕奪其爵解詁箋云魯郊非禮辨已見前詩云奉璋當是周官璋瓚尚書顧命所謂秉璋以酢者也此盜竊寶玉當是魯之命幸失之定公坐重故為微辭傳順經諱文別舉三物以實之爾

按三傳無以寶玉專指命圭者公羊之義命圭亦在其中所以台信天子交質諸侯若以璋為璋璜則宗廟之祭臣子所執傳無緣特舉之也○注不書至為重○律所謂二罪俱發以重者論也陪臣執大夫辱莫大焉蓋定哀之世文致大平故為深諱辭與○注書大至辭也○舊疏云言大弓與龜皆可保用所以龜得從寶省文而特書大弓不省文使若都以國寶書作微辭之義何者經言盜竊寶玉大弓若似所謂寶玉即大弓是言可世世傳保而金玉之然故得為微辭也按大弓得為寶玉者明堂位云越棘大弓天子之戎器也與越棘並故知亦國寶也其為微辭者道大弓謂之寶實為喪其五玉當坐絕也

皇清經解續編卷千二百五十八終

子汝恭校字
常熟邵元晉參校